



通雅卷之十五

桐山方以智密之輯著

同里姚文燮經三較訂

地輿 水注



論江之源。別出吐蕃。非止岷山也。○江出岷山。在今茂州汶山縣。發源不一。而濫觴甚微。及閱雲南志。則謂金沙江之源。出於吐蕃之犁石。南流漸廣。至于成定之金沙。經麗江鶴慶。又東過四川之會川建昌等衛。以達於馬湖敘南。然後合于岷江。緬甸宣慰司志。謂金沙江闊五里餘。緬恃以爲險。遠近大小言之。江源出于吐蕃犁石。卽崑崙之南。河出朶甘思。卽崑崙之西。

可畫守積石岷山已邪。

禹貢九江爲洞庭。三江爲漢岷彭。○胡秘監曰。晁詹事說之。皆以九江爲洞庭。而鄭樵獨謂東滙澤爲彭蠡。東爲北江入于海。十三字爲衍文。朱子取之。古九江郡。乃在江北。江漢往會之說。味別之說。洲別之說。皆支。經凡例曰。考之過九江。至于東陵者。言導岷水。而是水之橫截乎洞庭之口。以至東陵也。是漢水過三澁之例也。過九江。至于敷淺原。言導岷陽之水。而導山之人。至于衡山之麓。遂越洞庭之尾。東取小路。至敷淺原也。是導岷岐荆山而逾于河。以盡常山碣石之例也。漢志豫章領縣十八。彭蠡縣下注云。禹貢彭蠡澤在其西。餘則言水入湖漢者八。入大江者一。而湖漢一水。則又自雩都東至彭澤入江。行千九百里。山海經曰。入江彭澤兩者。本謂逕彭蠡縣之西而入江也。語意不明耳。漢志不知湖漢之卽爲彭蠡。又不知大江者亦滯于彭蠡。又不知湖漢之爲湖。則皆承禹貢之衍疑而弗深考也。智按。導漾漢導江二條合觀之。過九江。至于東陵。東陘北會爲滙。東爲中江入于海。則前條之北江豈衍乎。禹治水詳于泛瀾之處。而南方爲略。從楊子言三江。則漾漢爲北。岷江爲中。彭蠡爲南。不言南。互見之矣。胡晁九江指洞庭是。而九江郡名。卽下流以稱之也。滙言其合處也。蕭該言彭蠡古作彭麗。又按彭蠡一名宮亭。九江三江別詳于下。

考河源者莫詳於元。○河源出吐蕃朶甘思泉百餘泓。淖弱不勝物。從高視之。燦若列星。曰星宿海。譯言火敦腦兒海也。羣流匯二巨澤。譯言阿刺腦兒也。東行一日成川。名赤賓河。又行與亦里水合。又與忽蘭水也。里木水合。始曰黃河。然水清。又一二日程爲九度河水。八九股可度也。又四五日程水始渾濁。土人抱革囊。或乘馬過之。亦有象舟。傳革以濟。繼是東以兩山。廣一二里。深叵測矣。又曰朶甘思東北部有大山。積雪不消。所謂崐崙也。自九度至崐崙。約計二十日程。河行崐崙南半日程。又四五日程。至闊郎及闊提二地。相屬。又三日程。始至哈刺別里赤兒。崐崙之西。人跡簡少。多處山南。又行五六日。合細黃河。與乞

兒馬朶二水。轉崐崙北二日程。少東。又北流半月程。至貴德州。州隸河州。元所置吐蕃宣慰司也。又四五日程。始至禹貢所謂積石。又五日程。至河州安鄉關。又一日程。至打羅坑。東北行一日。合洮河水。又一日至蘭州。過北卜渡。至鳴河州。過應吉里州。正東行至寧夏南。又東行。卽東勝也。世言黃河九折。彼地有二折。蓋乞兒馬朶及貴德州必赤里也。張騫曰河有兩源。一出于闐。一出于慈嶺。唐薛元鼎使吐蕃。得河源于悶磨黎山。元太祖過九度渡。在崑崙西南。憲宗命第旭烈征西域。拓地四萬里。而河源在域內。至元庚辰。世祖命詔討使都寔。徃通互市。自河州行五千里。抵河源。還圖以聞。又使其弟闊闊出。闊闊回授學士。

潘昂霄撰述。而臨川朱思本于八里吉家得帝師所藏梵字圖書。譯之。

九河以近碣石者為是。○舊曰馬頰即馬篤河。徒駭即徒河。在濟南境。而胡蘇河簡河滌河皆在滄州。漢得其三。唐得其六。歐陽志與地記又得其一。皆似是而非。班固以滹沱為徒駭。謬矣。鄭氏乃曰齊桓塞九為一。蔡九峰非之。酈善長曰九河碣石。苞淪于海。程子宗之。今碣石在海中。去岸五百餘里。則今之言九河故道者。空穿鑿矣。

滎汴。濟渠也。○豫州之川滎音滎。滎陽滎澤是也。滎澤與濟隧合。出河之濟。即陰溝之上原也。康成曰今為平地。滎陽民猶謂

其地為滎澤。鄭州圖經敖山在縣北。滎陽在縣北四里。酈道元曰濟水於此又兼邲。春秋宣十三年。晉楚戰于邲。即是水也。戴恂曰邲音卞。則即汴水矣。又作汭。京相璠曰濟自敖山北溢為滎。漘而後泄。遂為汴水。即禹貢道濟。所謂東出于陶丘北。而漢書地理志注所謂狼湯渠首受沛。東南至陳入潁。過郡四。行七百八十里者是也。後世滎既不漘。又汴在戰國。謂之鴻溝。馬遷史記謂之滎陽漘渠。漢書謂之狼湯渠。漢建武中張泥修之。謂之濟渠。永平中王昊治之。謂之浚儀渠。酈道元謂之陰溝。故名實遂難曉耳。南豐曾氏曰昔禹於滎澤下。分大河為陰溝。出之淮泗。至浚儀西北。復分二渠。其後或曰鴻溝。始皇疏之以灌魏

郡者是也。或曰浪宕渠。自滎陽五池口注鴻溝者是也。或曰浚儀渠。漢明帝時循河流故瀆。作渠。渠成注浚儀者是也。或曰石門渠。靈帝時於敖城西北累石爲門。以遏渠口者是也。石門渠東合濟水。與河渠東注。至敖山之北而兼汴水。又東至滎陽之北。而旃然之水。東流入汴。滎陽之西。有廣成二城。汴水自二城開小澗中。東流而出。濟水至此乃絕。桓温將通之而不果者。晉太和之中也。劉裕浚之。始有湍流奔注。而岸善隕塞。裕更疏鑿以漕運。義熙之間也。皇甫謐發河南丁夫百萬開之。起滎澤入淮。千有餘里。更名之曰通濟渠者。隋大業之初也。裴耀卿言江南租船。自淮西北泝鴻溝。轉相輸納于河陰含嘉太倉等倉。凡三季運米七百萬石者。唐開元之際也。後世因其利焉。太宗嘗命張伯論著其興鑿遭運之本末。如此。宋至道之間也。蘇氏曰。自淮泗入河。必道于汴。世謂隋煬帝始通汴入泗。禹時無此水道。以疑禹貢之言。此特人不攷耳。禹貢九州。皆記入河水道。而淮泗獨不能入河。帝都所在。理不應爾。意其必開此道以通之。晉王濬代吳。杜預與之書曰。自江入淮。逾於泗汴。泝河而上。振旅還都。以濬舟師。可知汴水大小。非隋煬開創也。陳後山曰。漢末河入汜。永平道至千乘入海。而河之故瀆。在新渠之南。水經注所謂絕河而受索。自此始。隋因漢舊。大業合河索爲通濟渠。入淮。而故道塌。今於畿爲白溝。於宋爲沙。於單爲石梁。於徐爲

汴而入於南清。南清故泗也。說文榮爲小水。無所見。別作滌滌。澄滌滌。

沉沛卽兗濟。滌亦沉也。○沉卽兗。濟亦作沛。漢地理志沛河惟兗州是也。水經注俗呼爲衍水。山海經曰王屋之山。滌水出焉。漢書曰王屋之山。沉水出焉。李濂曰滌沈聲近也。沉發源王屋山頂厓下。旣見而伏。東出於孟州濟原縣。有東西二源。合流至温縣。是爲濟水。歷虢公臺西南入於河。溢而出河之南爲滎。卽滎波也。又東出于陶丘北。在今定陶縣。又東至于荷。又東北至壽張縣安民亭。合汶水。至今青州博興縣入海。酈道元謂濟水當王莽之世。川瀆枯竭。其後水流逕通。津渠勢改。尋梁鯀水。不

與昔同。然則滎澤濟河雖枯。而濟水未嘗絕流也。程氏曰濟入河。適會河滿。溢出南岸。溢出者非濟水。因濟而溢。故禹還以原名命之。此解溢字亦通。然河濁而滎清。非河之溢。明甚。溢蓋指滎而言。非指河也。先儒皆以濟水性下勁疾。故能入河穴地。流注顯伏。許慎引禹貢浮于淮泗。達于荷。音柯。焦弱侯主此說。南豐曾氏曰泰山北與齊東南諸谷水。滙於黑水灣。又滙於柏崖灣。至渴馬厓下。則泊然而止。又至歷城西五十里。有泉湧出曰趵突泉。人謂有棄糠于黑水灣者。而見之于此。蓋自渴馬之厓。潛流地中。而至此復出也。其注而北。則謂之灤水。達于清河。以入于海。舟之通于濟者。皆于是乎達也。齊多甘泉。其顯名者十

數而色味皆同。蓋灤水之芻出者也。東阿井亦濟所經。故膠能下鬲。用攪濁水則清。是濟之伏流乃物性。程氏非之。顧弗深考耳。南北清河皆古濟流也。會泗注淮者。濟之至菏而分者也。東北兼汶與同入海者。濟之正派也。今濁河已行南濟。而北濟自青州博興縣一百七十里。至濱州入海。增多漢百七十里。宐禹迹之難考也。菏澤在定陶東北。曹州圖志。濟陰南三里有菏水。俗謂五丈河。今名廣濟河。說文以沛為沔。濟而別載濟為出常山郡贊皇山。東入沔。想有同名者。詩出宿于沛。毛氏曰地名。此又一沛也。

蜀江甚多。沔漢實二。○孔安國曰。漾水東流為沔。與沔合。至漢中為漢水。是通稱也。程氏曰。水經敘漢自西樂城以上為沔。以下為漢。後人以南陽水為沔。非也。一曰西流南流者沔。東流者漢。按漢或時有言從南陽入。袁可漕。此殆南陽之沔歟。司馬徽居沔北。非歟。合溪曰岷江之外。其水有七。出于綿之神泉曰縣水。出于什加之章洛山曰洛水。分流于永康之湔堰者湔水。縣水自縣竹紫巖山。逕德陽洛水。自什加入雒。湔水逕導江崇寧九隴。濛陽亦入雒。三水皆合于雒。自雒逕懷安。簡資。富順。至瀘。與江水會。總曰內水。發源於剛氏道微外。會江油之清川。逕縣。潼遂東。至於合曰涪水。發源于沔之青泥嶺。逕大安利閬果。至合與涪水會曰嘉陵水。發源于小巴嶺。逕巴蓬之伏虞西南。以

至於渠曰巴水。出萬頃池。逕明通。又至渠與巴水合曰渠水。巴渠二水既合。逕廣安。新明至合。與嘉陵涪水會。以達于渝。而江始大。此七水與江別合之大略也。由此入中國。分名有三。曰青衣。曰羊山。曰馬湖。青衣出來山。逕嚴道。洪雅。夾江而下。羊山出鐵豹嶺。逕漢源。出嘉定之南。與青衣水合入于江。馬湖自譚都流至敘。亦入于江。其旁出于郡邑山澤。自岷至夔。甚眾大者如。威山之萬頃池。則驪流有四。一入于渠。三入於夔。惟漢出岷冢。分流趨襄陽。竟陵。至漢陽。後與江合。此蜀眾水之大略也。合溪猶未明。江源出金沙。而嘉陵之水。即西漢。即漾也。胡文定曰。欲固上流。必係漢沔。或侯築二城。築漢城于沔陽。築城于漢陽。即

今漢中府城固縣。洋縣。皆城固地也。漢與江合。今日漢口。古曰沔口。夏侯尚圍江陵。使文聘別屯沔口。止石梵。自當一隊。青龍後屬吳。今漢陽府也。王貢擊侃。督護鄭攀於沌陽。又敗朱伺于沔口。齊張仲傳。梁王出沔口。圍魯山。即大別山。沔左有郤月城。沙羨縣治也。黃祖所守。夏口。即魯口。山簡奔夏口。庾翼為荊州治。夏口城。據黃鵠磯。邊江臨沔。春秋時謂之夏汭。吳黃武二年。城沙羨。音宜西角為磯。樓名黃鶴。沙羨即江夏也。水經注。夏水本江之別出。自江陵東南流。又東過華容。又東至雲杜縣。入沔。謂之賸口。冬竭。夏流。智按。是夾港也。何尚之曰。夏口在荆江之中。正對沔口。智按。此指夏口城。即武昌也。魯肅呂蒙屯陸口。在威

昌蒲圻縣南。卽今蒲磯口也。水出下雋縣西三山溪。池音口者。池水上承新陽縣之太白湖。東南流爲沌水。逕縣南。注於江。曰沌口。竟陵郡新陽縣。分雲杜大者也。郭舒留屯沌口。陶侃刺荆鎮沌口。陳侯安都討王琳至沌口。後梁華皎與吳明徹戰於沌口。皆此地。華陽志云漢二源。東源出成都氏道漾山。因名漾。禹貢漾流爲漢是也。西源出隴西蟠冢山。會白水。經葭萌入漢。戴氏曰有三源。其一在興州三泉縣。總之漢因初源謂之漾。因合沔而通謂之沔。或謂之羌。今沿漢水而東。有寧羌州。有沔縣。又東有洋縣。卽古洋州也。洋漾聲相近。寧羌州。漢之沮縣。晉之成都也。王伯厚斷以爲一。混矣。戴說漢漾沔未明。升菴曰蘇代謂

漢中之甲出巴者。源出西和州徼外。經階沔與嘉陵水合。閬水卽漾水也。浪漾亦通。墊江出江谷澤。經仇池。出宕渠。至巴郡入江。智按桑欽叙漾漢。而尾言西漢水。又按輦昌西和縣有嘉陵江。故沒之曰源。出秦州之蟠冢。至重慶江津縣之嘉陵江。而入岷江者。西漢水也。所謂導漾爲漢也。出漢中府沔縣之蟠冢。至漢陽大別山漢口入岷江者。東漢水也。所謂沔與漢合也。漾至沮縣。卽爲漢水。沔水自出。或都沮縣東狼谷。中漢至鮒嶠山與沔合。曰沮口。沮縣今漢中略陽。惟漾至沮爲漢。而沔又出于沮縣。故言者混。

外水卽岷江。內水卽涪江。中水卽沱江。○宋劉裕遣朱齡石伐

蜀寇譙縱。眾軍悉從外水取成都。臧禱從中水取廣漢。老弱乘高艦。從內水上黃虎。史炤通鑑釋文曰。巴郡今之重慶。正對上水口。右則涪內水。左則蜀外水。自渝上合州。至綿州。曰內水。自渝上戎瀘。至蜀。謂之外水。按外水卽岷江。自重慶上敘州。加定是也。內水卽涪江。自重慶上合州。遂寧潼綿是也。中水卽沱江。自瀘州上富順資簡金堂漢州。曰四川者。則取岷江沱江黑水白水四大川以爲名爾。沈約宋書。資江爲中水。涪江爲內水。它流曰沱。潛曰潛。○禹貢於梁州言岷嶓旣藝。沱潛旣道。于荊州又曰沱潛旣道。浮于江沱潛漢。又曰岷山道江。東別爲沱。水經曰江水自彭天關東逕汶關氏道。北東別爲沱。漢志蜀郡

郫縣。禹貢沱江。在西東入江。蜀郡汶江縣沱江。在西南東入江。杜佑通典。沱在濛陽郡唐昌縣。鼂氏曰。今永康軍導江縣西北二十里。有沱江。漢志水經所志之沱。其源岷江是也。自導江東南流。至彭州永昌縣西爲都江者。杜佑所志之沱也。自江都至天勅山。分而爲二。一名瀘水。自天勅山十五里。復合于都江。一名廣濟江。自天勅山東流。至彭州九隴縣。復合于都江。自永昌之都江。東南流。至成都府郫縣北。爲郫江者。漢志所謂禹貢沱江者也。伯厚詩地理攷曰。通典沱水在彭州唐昌縣。今崇寧縣水經氏道。江水東別爲沱。云開明之所鑿也。郭景純謂玉壘作東別之標。今茂州汶山縣梓潼張氏曰。凡梁之山。左皆曰岷。右

皆曰嶓。出于岷者。皆爲江。江之別。皆爲沱。出于嶓者。皆爲漢。漢之別。皆爲潛。凡此皆梁州之沱也。漢志又曰。沱出南郡枝江縣。入江。康成曰。羣容有夏水。首出于江。尾入于沔。所謂沱也。蓋以此爲荆州之沱。一曰與江別而復入於江。曰沱。此則有似于夾江。特其首尾長耳。建安蔡氏曰。枝江之沱水入於江。非出於江也。承天府之潛江。安慶府之潛山。俱有潛水。非首尾如夾江也。沱潛之稱。可謂難明矣。詩江有汜。江有渚。江有沱。沱潛汜渚。皆爲通名。故訓潛爲潛流。沱爲沱流。謂與江別耳。

五湖。太湖也。○史記正義舊太湖射貴湖。上湖洮湖。溇湖。索隱與郭璞江賦注曰。具區洮溇。彭蠡青草洞庭。或曰太湖與楚州射陽。岳州青艸。潤州丹陽。洪州宮亭。此未確也。水經注江南東注于具區。謂之五湖口。國語越伐吳。戰於五湖。范蠡返至五湖而辭越。虞翻曰。是湖有五道。韋昭曰。書謂之震澤。爾雅謂之具區。今名太湖。或曰長塘。曰射貴。曰溇。馮衍傳注曰。溇。洮。射。貴。太。以兼小支而得五名也。或曰五灣。曰游。莫。貢。陵。胥。

九江。洞庭也。○禹貢釋文及尋陽地記。以爲烏白江。蚌江。烏江。嘉靡江。畎江。源江。廩江。提江。茵江。張須元綠江圖。以爲三里江。五州江。嘉靡江。烏上江。白蚌江。白烏江。茵江。沙提江。廩江。始于鄂陵。終于江口。會于桑落州。漢志在尋陽縣。此皆泥在尋陽九派也。太康地記曰。劉歆以爲湖漢九水入彭蠡。水經云在長沙。

下雋西北。胡氏以洞庭爲九江。曾氏謂過九江。至於東陵。東陵今之巴陵。巴陵之上。卽洞庭也。攷之前志。沅水。漸水。辰水。敘水。酉水。澧水。資水。湘水。皆洞庭。楚人呼水皆爲江。揭衷熙曰。以岷江至澧。旁大水入江者爲九江。曰竿山。曰青衣。在嘉入。曰金沙。馬湖。在敘入。曰綿淶。嘉陵曰北涪。曰巴。在重慶合入。曰貴。烏江合南涪以南入。曰方湖之流。北從巫峽入。曰施。南之水。南從夷道入是也。出今論之。何不以鄱。漢。洞庭。而并三夷水。南北涪。與巴。嘉陵爲九乎。

三江不一。○孔安國云。自彭蠡江分爲三。入震澤。遂爲北江。而入海。孔蓋泥彭蠡既滯。而牽合之也。彭蠡震澤。入海各殊。而三

江豈可強同乎。虞林猶持孔氏說。與桑欽水經。班固地理志。相附。而乃謂南江自牛渚上桐水。過安吉。歷長瀆。出松江入海者。則又謬甚矣。郭景純以岷。淞。松爲三江。韋昭以松。淞。浦陽爲三江。亦疑孔安國之言。而臆說邪。酈道元引以爲據。何哉。程大昌所進禹貢山川道里圖。邊實所修崑山續志。類訛承而舛踵之耳。惟張守節曰。三江在蘇州。自西南至太湖曰松江。自東南入白蠟曰上江。亦曰東江。自東北下三百餘里入海曰下江。亦曰婁江。蓋得之矣。吳地記。與庾仲初楊都賦註。朱長文吳郡續圖。經其所言。雖有詳略。蓋皆本諸守節者也。以今攷之。太湖與吳江。長橋東北。合龐山湖者。松江也。又東南分流出白蠟。入急水。

澱之山東而入海者。東江也。自龐山過大姚東。北經崑山石浦安亭。由清浦入海。婁江也。但澱湖之東流既塞。而安亭亦失其故道久矣。此單鏐所謂開白覲安亭。通龍鎮以入海者也。王介甫云。一江自義興。一自毗陵。一自吳縣。皆小水不合。予瞻云。岷江爲中江。漢爲北江。豫章爲南江。曾氏云。北江中江。皆禹所導。南江乃其故道。故經不之志。余安慶亦號爲三江口。正謂合漢蜀豫章江也。此吳幼清之說也。以江行漢水彭湖水之中。爲中江。人不逢禹貢之交辭耳。周禮職方。揚州三江。疏云。江至尋陽南合爲一。東行至揚州入彭蠡。復分爲三道入海。此謬極矣。熙云。按震澤居松江之上。多震動。禹貢既云三江既入。遂云震澤底定。則守節之論確矣。

沂有二源。○水經云。沂出蓋縣艾山。道元則曰。沂有二源。一出祚泉。一出魚窟山。又曰。沂水北對稷門。魯之城門也。隔水爲雲壇。智按。今蒙陰縣東北。地名南河川。小阜之下。有曰狗泉。此沂源也。東南逕馬頭固山。有泉東流與之合。北望沂山五十里。殊無別源。據周禮。沂山因水得名。鄭玄齊儒不應有誤。疑沂山水源。古流今竭耳。何振卿各山記。沂山瀑數十丈。

丹水有七。○澤州高平縣有洧水。一曰丹水。漢上黨高都縣堯谷。丹水所出。東南入洧水。高都澤州晉城縣。隋曰丹州。漢丹水屬弘農郡。以爲白起坑趙卒。水盡赤。故曰丹水。山海經洛水出

通雅 卷之十三 江山止流車
謹舉山東與丹水合。丹水出竹山。洛合丹。然後合尸水乳水。蠱尾之龍餘水。陽虛之玄扈水。自謹舉至玄扈。凡九山。玉板曰倉頡爲帝南巡。登陽虛。臨玄扈。龜負丹甲青文之圖。卽此處也。其內鄉縣之丹水乎。水經注陰溝。卽狼湯渠。亦名汜水。又云丹沁亂流。故汜兼丹水之稱。又水經丹水出上洛冢嶺山。至丹水縣入於沟。逕三戶城。合於南陽之浙水。其逕南鄉縣北。所謂商於之地也。呂覽曰。堯有丹水之戰。以服南蠻。此水也。竹書紀年曰。宋殺其大夫。皇緩於丹水之上。是獲渠亦兼丹水之稱。朱虛縣有東丹水。西丹水。出丹山。今作凡山。訛也。夷水逕夷道縣。合丹水。水有赤氣故名。

蘭溪有二。○蘭溪在唐爲兩縣名。一屬蘄州沛水。改爲蘭溪。一屬婺州。杜牧之詩。蘭溪春盡水泱泱。蓋蘄州之蘭溪也。杜守黃州作此詩。黃承蘭溪下流故耳。

浯水有二。○演繁露曰。世傳浯溪。元結自名之。說文浯水出琅邪靈門壺山。入濰。則非元造矣。程泰之獨不引淮南子之。馮浯乎。山東之浯。乃吾山之水也。吾山卽奭山。瓠子歌用之。元次山之浯。則在道州。

漳有十一。以清濁合流而名。○趙晉之間有清漳濁漳。沮水逕當陽麥城。與漳水合。鞏昌有漳縣。灑上有漳水。過豫章郡爲章江。漳州有漳浦。亳州有漳水。安州有漳水。卽德安府大洪山之

漳水。此地漢稱豫章。陳留過水逕城父縣。沙水枝分注之。世謂之漳水。宐章有大小二章水。存中以清濁相蹂者爲漳。章者文也。別也。漳謂兩物相合。有文章且可別也。清漳濁漳。合于上黨。當陽卽沮漳合流。灑上卽漳瀆合流。漳州予未曾目見。章郡卽西江合流。亳漳則漳渦合流。雲夢則漳鄖合流。此數處皆清濁合流。色理如蠅蝟。數十里方混。

洛水有九。○蜀有雒縣雒水。自章山至新都谷入湔。蜀都賊浸以緜。雒職方氏雍州其浸渭洛。易氏曰左馮翊懷德縣卽疆梁原之洛水。邊有囿洛。北條荆山在縣西。正洛水源也。孔安國注禹貢漆沮。亦曰洛水出馮翊北。又一洛水出慶州洛源縣。有於

白山。洛水所出。東流至鄜州洛交縣。又東南流至京兆府雲陽東。又徑同州澄城西北。此皆非導洛自熊耳之洛也。淮南地形訓。洛出獵山。注獵山在北地西北邊外。洛東南流入渭。詩云瞻彼洛矣。是也。括地志言出廣州。一名漆沮。至華陰南流入渭。王氏朱氏皆云詩之瞻洛。尚是東都之洛也。東都洛出弘農。卽上洛縣熊耳山。水經謂出譙舉山。至鞏縣入河。此三洛矣。水經注又廣漢泉出臨洮西傾山。逕洛和城南。洛和水出和溪。逕黑水城而北注白水。此一洛也。又有平洛水。出玉女臺下平洛澗。注於潁。是亦洛水也。鵲南溪水。注于洛水洛澗。北歷秦墟下注淮。謂之洛口。此又一洛也。琅邪臨沂縣。有洛水注之。洛水出太山

南或陽之冠石山。此又一洛也。圖書編引延安洛記云。洛水出慶陽府環縣。卽古洛陽縣也。經延安府甘泉縣。卽古雕陰縣也。經鄜州宜君縣子午嶺。至中部縣入西安府界。經耀州及同官縣。至富平縣合沮水。歷蒲城同州。至朝邑縣東南入渭。沿河三府之人。至今皆呼爲洛河。漆沮之名。亦不知也。古今郡縣。慶陽有洛源縣。延慶有洛川縣。及三川。洛其一也。朝邑有洛苑鄉。水經言延安形勝云。洛水之交。漢志亦云。雍州其浸渭洛。註云。洛水經北條荆山。而東南入渭。此尤爲明證。漢志又云。洛都襄洛。皆延安近洛之地。略無一字及漆者。獨漢上郡志有曰。漆垣。又不知何所指。顏師古曰。洛水卽漆沮也。此後世指洛爲漆沮之由。豈洛亦名漆與。作記者。不知鳳輦自有漆沮二水。以二漆爲一水。而莫究其源。但云自同官縣界來。不知自同官來者。洛也。一統志遂言同官之漆。出自鳳翔。不知漆水爲經汭所開。其能飛度涇汭來同官邪。秦士徃徃疑此。故詳攷而著之。又按粵西柳州有洛。容縣雲南蘭滄亦名洛。則洛有十一矣。

黑水不一。○山海經黑水出崑崙西北隅。唐書黑水在高昌西北。顧起元曰。黑在大幕北。宋謂三姚家族。沈括云。奉使帳宿其下。山之土石紫黑似磁。下卽黑水。彼謂黑爲盧。水爲龍。盧龍卽黑水也。集韻作濕。柳子厚云。雍西之漆爲黑水。曾子固言棄糠黑水。見于鈞突。贊寧云。悉唐卽黑溪。智按黑水不一。北史元魏

伐蠕蠕。過黑水。蜀南瀘江亦黑水。疑與禹貢入南海不合。今又按之黑水經三危者屬雍州。在沙州燉煌之東南。勢亦西流。入南海者屬梁州。在滇雲巒筑之南。如所謂葉渝諸川俱黑是也。又云崑崙西南有嘉湖。分爲潞江。大居檳榔安義四大江。皆折數千里。入南海而無源。弱水黑水。其入流沙而出此乎。屢按李元陽曰。西洱海出浪穹。是黑水伏流別派也。點蒼山後瀉水漾水合。而會蘭滄江入南海。蘭滄卽黑水也。其辨曰。潞江蘭滄皆由吐蕃西北來。潞尚遠。蘭滄至交趾入海。水內爲漢人。水外爲夷人。則禹導惟蘭滄爲近。孟津會有鬻人在北。勝濮人在順寧。地理志。南中山曰昆彌。水曰洛。山海經曰洱水西流入于洛。則

蘭滄亦名洛也。元史至正入季。大理勸農官張大道使交趾。並黑水。跨雲南。以至其國。則蘭滄爲黑水明矣。三危山不在麗江。當亦不遠。蓋隴蜀滇鼎大。隴則西南斜長入蜀。滇則西北斜長近隴。蜀則尖長入隴。蜀之間。正如三角旂。黑水之源。正在旂頭。故雍以黑水爲西界。對西河而言也。梁以黑水爲南界。對華陽而言也。其太所言分爲二而不俱南流。或所引四大江。出于流沙南一湖者。其弱水之伏流出乎。中履尚有一疑。岷江旁合馬湖。緬甸之金沙江。爲江水之源。而黑水之源。與隴雍近。則無乃穿金沙江而過。如溢爲榮之例乎。抑黑水之源。止於馬湖緬甸之內乎。抑金沙江曲入吐蕃。而迴入馬湖。合青羊與岷乎。如此

則黃河源。大江源。黑水源。皆崑崙南幹脊上之南北分水乎。俟考。

龍門之名不一。○水經注魏土地記曰。梁山北有龍門山。大禹所造通孟津。河口廣八十步。巖際鐫踪尚存。有廟祠。前有石碑。三一碑可識。太和中大。括地志龍門在同州韓城縣北五十里。近黃河。禹所鑿。禹貢正義云龍門在馮翊夏陽縣北。禹鑿以通河東郡之西界也。而史記正義乃云徐州龍門縣。何也。如以名同。水經注陳畱汭水東。龍門故瀆出焉。屈原過夏首顧龍門。郢之東門也。今廣州府有龍門縣。保寧府昭化縣。鄖陽府延平。尤溪縣。沔縣。峨眉縣。大同宣府山陰縣。皆有龍門山。漳州漳平縣有龍門洞。廣西賀縣有龍門灘。鞏昌成縣有龍門鎮。其名山衡廬台宕。以龍門名者不可勝數。姚文燮曰黃河自積石折入北方界中二千餘里。若韋精以下。其間險峻如龍門。稱龍門者不知凡幾。惟壺口以南。乃為禹所鑿。所謂懸崖千仞。聲若萬雷者是也。

夾右碣石入于河。非長城所起之碣石也。○平州石城縣西南有碣石。即漢右北平郡驪山縣。水經注曰驪城枕海。今歷久為水所淪。入海去岸五百餘里。此則禹貢夾右碣石入于河之碣石也。山海經碣石之山。繩水出焉。注在遼西臨渝縣南。水中。秦皇刻碣石處。通典碣石山在漢樂浪郡遂城縣。長城起于此山。

東截遼水而入高麗。遺跡猶存。此則又一碣石也。今以平州之
赴海者爲右碣石。以高麗中爲左碣石。漢成東巡海上。亦至碣
石。今永平昌黎有碣石山。撫寧孤山亦碣石也。孫閣輔承宗復
關外八城。議守覺華島。卽截遼水之碣石。舊云入高麗。乃可以
入高麗耳。

江南爲夢。江北爲雲。後人或合稱之。○郭景注爾雅。以岳陽巴
丘湖爲楚之雲夢。非也。筆談曰。舊尚書禹貢云。雲夢土作乂。太
宗時得古木尚書。作雲土夢作乂。詔改從古。予按孔安國注夢
夢之澤在江南。不然也。據左傳吳人入郢。楚子涉睢。濟江。入于
雲中。王寢。盜攻之以戈。擊王。王奔郢。楚子自郢西走。涉睢。則當

出于江南。其後涉江入雲中。遂奔郢。則今之安陸州涉江而後
至雲。入雲然後至郢。則雲在江北也。左傳曰。鄭伯如楚。王以田
江南之夢。杜預注楚之雲夢。跨江南北。曰江南之夢。則雲在江
北明矣。元豐中。予自隨州道安陸。入於漢口。有景陵主簿郭思
者。能言漢沔間地理。亦謂江南爲夢。江北爲雲。予以左傳驗之。
思之說信然。江南則今之公安石首建寧等縣。江北則長沙監
利景陵等縣。乃水之所委。其地最下。江南二浙。水出稍高。方土
而夢已作乂矣。此古本之爲允也。智謂存中說是。然因其同爲
湖浸。或亦通稱。如子虛之雲夢。必謂一澤也。至吳人入郢之郢。
乃今江陵存中。以爲安陸。誤矣。李軌讀雲夢平聲。燮云。地志。雲

通雅 卷之十五 淮山此處車
夢在江北德安。湏水左右諸湖是。左近山稍高爲夢。跨江南北者。言跨江。湏非大江也。

孟諸一作盟豬。卽孟豬望諸。在虞城。○東坡有去杭十五季後遊西湖詩。斷章云誰憐寂寞高常侍。老去狂歌憶孟諸。高適有兩詩言孟諸。其一云朝臨孟諸上。忽見芒碭閒。赤帝終已矣。白雲常不還。其後又有封丘詩云。我本澳樵孟諸野。一生自是悠悠者。乍可狂歌草澤中。寧堪作吏風塵下。東坡所用。乃後一篇也。左傳孟諸之糜。爾雅作宋藪孟諸。職方氏青州藪澤望諸。禹貢作孟豬。古文作盟豬。在梁國睢陽。卽今歸德府虞城縣。揭東熙曰禹時爲濟水所被。故曰孟豬。

淮源在信陽。而入海在鹽城。今爲黃河所并矣。○淮水出信陽州胎簪山。過唐州桐柏山。歷光蔡潁壽盱眙。至淮安鹽城北。入海。此故道也。今并于河。丘文莊曰洪武二十四季。河決原成之。黑陽山壽州正陽鎮。而全入于淮。正統時又決滎陽。至懷遠入淮。淮獨當大河。又況加清口之沁泗沂哉。賈讓上策不能行。而歲費數百萬。智謂不如聽之。聽之而上策乃可行也。崇禎壬午賊洩河灌開封。城守且季。亦以河爲救。而汴城爲河矣。文莊若在。不更嘆乎。此固古今之變。郎仁寶曰。淮源當依禹貢出桐柏山。不可依水經出胎簪山。胎簪低于桐柏百餘丈。源又小。智以爲凡水之源皆小。愈合而愈大。禹貢亦就所見言之耳。桐柏胎

簪皆源也。若江不源金沙而止源于岷。豈足據哉。

漸江卽淛江也。○水經有漸江。山海經有淛江。莊子曰淛河。秦

始皇至錢塘臨淛江。吳越春秋曰。越王至浙江之上。望見大越

山川重秀。天地再清。漸與浙淛異文耳。避暑錄話曰。桑欽水經

兩淛獨略。欽北人。未嘗至東南。但取山海經爲證爾。山海經三

天子都在彭澤。安得至此。今錢塘江乃江北之下流。雖自彭澤

來。蓋眾江所會。不應獨取此一水爲名。漸卽淛乎。智按水經曰。

漸江出三天子都。注云。山海經謂之浙江。地理志水出丹陽黠

縣。漢志注云。漸江水出南蠻水。而郭璞注山海經曰。浙江出新

安黠縣南蠻。東入海。今錢塘浙江是也。黠卽歙也。今始分爲二

縣。三天子都。今率山張公山也。右水下饒州彭蠡。左水注浙。漸

江南有博江。江有靈鼓。成帝鴻嘉封廣德國。漸江逕遂安縣。有

四十七瀨。而合桐谿。又合於潛縣北之天目山。水過杭入海。葉

少蘊不知三天子都爲徽州率山。故誤謂自彭澤來耳。

什谷卽洛汭。○張儀曰。塞什谷之口。卽洛汭。而銳也。河南府鞏

縣洛水。東經洛汭北。對琅邪。洛入河。又名洛口。又名什谷。山海

經曰。洛水成皋西入河。以鞏縣或屬成皋也。什一作尋。書曰。涇

屬渭汭。孔氏曰。水北曰汭。職方氏雍州之川涇汭。鄭氏曰。汭。幽

地詩云。汭隗之卽。左傳曰。會于漢汭。以相入爲說。康成依職方

以汭爲水名。所引詩。今本作蒨鞫。毛氏曰。蒨。水厓也。陸氏曰。蒨

本作汭。水之外曰鞫。漢志芮水出古扶風汧縣。職方之汭。自為水名。智按本以內為汭之義。而因為水名。康成不善說耳。

聖水。今瑠璃水也。○水經注聖水出上谷。有白魚出穴。逕玉石山。過良鄉縣。合大防山之水。又合樂水。桃水。涑水。涿水。孫汝登曰。卽今琉璃河。其蘆溝。卽桑乾與濕水也。范文穆成大使金。過涿州。詩曰。琉璃河上看鴛鴦。卽此地。

涑水。卽桑乾也。○桑乾水卽涑水。潛承大原。靜樂縣之天池。伏流至馬邑。從雷山陽發為渾泉。天池澄渟鏡淨。若朝那之湫。淵有人以車墜池。而獲于桑乾。伏流也。靜樂為唐管州。有管泠山。濕一作涑水出雁門陰館縣。過代郡桑乾縣南。會桑乾水。又會

如渾水。羊水。崞水。過鉅鹿。會居庸清。彘水。水經云。過廣陽薊縣北。道元曰。薊南七里有清泉河。蓋水經誤矣。此卽濕水同流也。孫汝登曰。廣陽今京師。薊州今大興。大興為京師首縣。則一處也。或王封堯後於薊。封呂公卽于此。秦滅燕。以為廣陽郡。今之薊。則古之渙陽也。清泉河上承桑乾河。東與潞河合。入渙陽而枝分。諺云。高粱無上源。清泉無下尾。是也。

沈水。乃沈水也。○水經渭逕渭城南。而沈水注之。注云。渭城卽故咸陽。漢高更名新城。或元鼎二年。別為渭城。沈水承皇子陂於樊川。逕杜伯冢下杜城。與昆明池水合。過璧玉門而北流。注渭。亦謂是為滴水也。呂忱曰。滴水出杜陵。說文滴。涌出也。顏籀

曰此卽今沈水。字本作沈。與沈相似。人因名沈水。丁度作沈。滴與沈聲通而訛也。天文志暈適背穴。孟康曰穴或作鏞。此可證也。滴音訣。

希水口。今皖之張家灣也。○水經注希水口。水出潯縣霍山西麓。所謂天柱山。卽皖公尖也。曰希湖。卽石門湖也。

唐紉口。今所謂齧山也。○水經云資水出零陵都梁縣路山。注云出或陵無陽縣界唐紉山。逕或岡縣。縣乃分都梁之所置也。以與無陽相鄰。則羅公山近之。羅公洞口水。今爲西濱。齧之水爲東濱。又合夫夷水而下寶慶。卽古邵陵也。紉卽糾字。經云過夫夷縣。誤矣。土人呼夫夷水。水經夷望溪。卽今常德夷綱溪。

瓠岡卽瓠子。無定河卽固水。三戶城在內鄉。漢壽在廣元。○陳後山曰瓠子在雷澤。土人謂之瓠岡。唐志銀州載無定河。卽固水。三戶城在南陽內鄉西南。春秋時卽有此城。漢壽在保寧府廣元縣。關羽封亭侯者此也。越絕書言范蠡生于宛橐。徐文長言范蠡生于三戶城。則三戶其宛橐乎。

澧注於混。非澧州之澧也。南陽衡山。非南嶽也。混水卽瀨水也。○水經注南陽雉衡山。卽山海經所云衡山。郭璞以爲南岳。非矣。汝水條下有澧水。逕葉公廟北。山海經曰澧水東流注于混水。孫汝澄混。或作親。按當爲瀨。瀨水今在南陽鴻溝官渡也。今汴河也。汜汜古通而後別也。○河渠書滎陽下

引河東而爲鴻溝。文穎曰卽官渡水也。蓋爲一流。一南經陽成爲官渡水。一東經大梁城卽河溝。今之汴河是也。或曰始皇疏鑿以灌魏。然蘇秦已言鴻溝矣。苒若渠自滎陽五池口東注之。鴻溝卽出河之溝。官渡在中牟臺下。近時屬河陰縣地。有鴻溝。其二云官渡臺者。袁紹起土山以逼壘。魏成亦起高臺以捍之。卽中牟臺也。今陽武縣在官渡之南。官渡之西南爲滎陽成皋。汜水厥倉虎牢。按成皋今爲汜水縣。滎陽故東虢國。秦置厥倉。楚漢戰京索間是也。漢高帝卽伏汜水之陽。則在曹州。汜水音祀。若侯表汜鄉侯何成則音凡。韻會汜在函韻。曰汜鄭地。在許州襄城縣。漢高卽伏汜水。與漢史傳汜邑。汜勝之皆音凡。而汜在紙韻。江有汜水。別復入也。與日入濛汜同音。又水名在成皋縣。皆音祀。智曰成皋之汜非漢高卽伏處邪。互引而別其形音。何也。春秋天王出居鄭汜。注音凡。此謂南汜。秦與晉圍鄭軍汜南。此東汜也。毋乃古一字互寫。而後別之乎。史記索隱載汜音有四。音梵音凡音祀音圮。智按祀圮偶通互。而汜汎形訛。故說文以汜汎別之。書仲丁遷于囂。詩搏獸于敖。左傳晉師在敖部之間。二山名。敖在滎陽西北臨河。有太倉曰敖倉。在石門之東北。臨汴水。漢高因敖倉築甬道。下汴是也。汜水縣古東虢國。鄭之制邑。漢之成皋。襄二季城虎牢。卽成皋也。地理志注穆天子傳云。七萃生捕虎獻天子。天子畜之東虢。曰虎牢。

孔明渡瀘。非今之瀘州也。○升菴曰：瀘州古之江陽。而瀘水乃今之金沙江。卽黑水也。其水色黑。故以瀘名之。從吐蕃可跋海入西洱河。曰漾濞水。又出會川。乃爲瀘水。沉黎古志：孔明南征。由今黎州路。黎州四百餘里。至兩林蠻。自兩林南。瑟琶部。三程至嵩州。十程至瀘水。瀘水四程至弄棟。卽姚州也。今之金沙江。在滇蜀之交。一在威定府元江驛。一在姚安之左。郤據沉黎志。孔明時所渡。當是今之左。郤也。瑟琶。一作風琶。兩林。今邛部長官司。按一統志。屬四川行都司。

水經敘大江。過會稽餘姚入海。此桑君長之大誤也。○水經舛誤。酈道元亦屢辨之。至于敘岷江水。至豫章口而止。及敘沔水。

當自漢口入江而止。乃言其過中渚石城。分爲二江。是大小失倫矣。江淮河濟爲四瀆。謂獨爲主也。今顧以沔爲瀆。而岷江附之。失矣。二江。謂一爲焦山下海之江。一爲丹徒向姑蘇之小河。大小混稱。更失矣。若敘沔至石城。分爲二。其一過毗陵。而南江過寧國。又與桐水合。此皆不能通。又曰松江出馬奇。分三江口。又東至會稽餘姚縣。東入于海。此大誤矣。酈道元全不能正其失。而又曰南江枝分。歷烏程南通餘杭縣。則與浙江合。闕駟十三州志曰：江水至會稽。與浙江合。此尤誤極。浙江卽漸江。自爲一水。豈與蘇松嘉湖之水相通乎。桑酈皆在北方。宜其誤耳。酈好傳會。紀異聞。舛錯不少。如揣擬天台赤城之流。誤引彌明爲

翳桑之餓。可盡舉乎。

墨子相如郭璞孔安國之言江湖。皆未考也。○上林賦敘水入川。東注太湖。郭璞江賦云。注五湖以漫漭。灌三江而湍沛。墨子曰禹治天下。南爲江漢淮汝。東流江之五湖。孔安國曰。自彭蠡江分爲三。入于震澤。後爲北江而入于海。此皆未詳考。

鬱水出廣信東入海。此應劭之誤也。○山海經曰鬱水出象郡。東南注南海。入海入項陵東南者也。應劭曰鬱水出廣信。東入海。水經注曰言始則可。終則非矣。智謂言始亦非。蓋漢之廣信。爲交州治所。卽今之梧州也。鬱亦非今之鬱林州。其水合牂牁而來。卽今左右兩江于梧州始合府江。則鬱水至廣信與灘水合。而下端州廣州入海。豈始於廣信乎。

唐志總載水數。本水經注也。○唐六典水部掌天下川瀆陂池之政令。凡天下水泉三億三萬三千五百五十九。其在中國。江河大水也。百三十五水。是中川也。千二百五十二水。是小川也。桑欽水經所引天下之水。百三十七。江河在焉。酈善長注水經。引其支流一千三百五十二。唐志水經桑欽撰。舊志則云郭璞撰。隋志與通典水經無名氏。考儒林傳桑欽君長。漢成帝時人。經云永安順帝更名。是順帝以後纂序。又考經云成侯壘。乃孔明也。河水北薄骨律鎮城。元魏鎮名也。智謂後人沿加耳。後漢書注。尸佼二十篇。一篇言九州水泉所起。金蔡伯。堅子珪。著水

經補亡四十篇。或云水包地外。出地中。天下川源處處有之。安可悉數。如嶺外之左右江。發源滇黔。經流兩粵。受二十餘水。折三四千里而南入于海。其勢與淮等。可為一大瀆。禹時無割湯之虞。亦未詳及。然中國所見者。悉東南流耳。其在崑崙西蒲昌海。折八千里西入北高海。飲馬。土刺。旺吉阿魯。札黑。金山。陰山。諸水。在沙漠外。折六七千里入北水海。安義河。係嘉湖西派。亦受三十餘水。折三千餘里。西南入榜葛刺海。此皆見其源。而不知其尾者。余作禹書經天合地圖。參泰西地毯畫度。補入之。

通雅卷之十五終

通雅卷之十六

桐山方以智密之輯著

同里姚文燮經三較訂

地輿 地名異音

雍州與雍奴。雍丘俱去聲。今梅氏音平聲。○雍奴今順天府武清縣。黃直翁音於容切。水經曰四方有水曰雍。不流曰奴。寇恂封雍奴侯。雍丘晉屬陳留。古雍國。杞國今為開封府之杞縣。故城臨汴。祖逖為豫州刺史。治此。左傳郟雍曹滕。杜氏曰雍國在河內山陽縣西。今懷州脩武縣。是懷慶府矣。或古雍國地寬耶。雍通作邕。雖籀作邕。

殺祔縣名。在馮翊者。殺都外切。師古音丁活反。祔音羽。又音戶。○說文殺從示。殳殳也。引詩荷戈與殺。一說城郭市里。高縣羊皮。有不當入而入者。暫下以驚牛馬。名曰殺。殺祔馮翊屬縣。前漢郊祀志鳳皇集殺祔。毛晃曰監本从衣誤。今西安府之耀州與同官縣。及延安府之宜君縣。皆其地也。江休復曰趙師民自耀州過同州。說殺祔城。有殺祔廟。疑是一兵械。其秦禱兵之祠乎。又按王厚之印譜。有殺祔丞印。祔作木。

鄜州音孚。左馮翊縣。今屬延安府者。○說文作鄜。鹿與麋聲皆不諧。不知其故。智謂古孚與包通聲。麋與包近。故有孚音。

盤屋音周窳。漢縣。今屬西安府者。○山曲曰盤。水曲曰屋。五柝宮現在盤屋縣。盤本義。說文引擎也。支見血也。

郃。土來切。一字也。漢志稷封禳。在右扶風。○師古曰禳。讀曰郃。今武功縣。五丈原卽在此。鳳翔郃縣。亦有五丈原。亦有禳亭。郃陽。郃音合。古莘國。今爲西安府之同州。○集韻莘或作菜。通作藝。史注在陳留。又按鳳翔之郃。亦古郃地。魯又有郃。

鶉觚在涇州。漢屬北地郡。作鶉觚城。在平涼府之靈臺縣。○靈臺周密須國也。蒙恬築長城時。觚爵奠祭。有鶉集觚上。因名平涼。漢安定朝那也。慶陽府。秦之北地。今一統志以鶉觚屬安定。必有疎略矣。

郁郅屬北地郡。○注泥水出北方界中。有牧師苑官。今慶陽安

化縣。漢郁郅也。慶陽有環縣。環縣有靈武臺。肅宗卽位于此。環蓋古朔方地也。寧夏有靈州城。隋置靈武郡。亦云肅宗卽位于此。寧夏衛屬朔方。赫連勃勃都此。

浩疊。孟康音合門。漢屬金城。今臨洮府之金州也。○靖鹵衛亦屬金城。金城又有令居枹罕二縣。因匡名也。令音憐。枹音夫。今河州衛。隋曰枹罕。

樂涇音官。酒泉郡所屬縣。○又有天依縣。依音衣。酒泉今之肅州衛也。

稠陽音固。屬五原郡。○五原謂龍遊原之地。干原。青嶺原。可嵐原。正原。橫槽原。

九變音宗。山在馮翊谷口。○相如賦曰夷變築室。今醴原縣屯留縣有三變山。篆作變。從變非。

莫黜。丁葛反。五原郡之屬縣。○今延安府神木縣。卽漢五原河西地。本秦九原。改爲五原。

褒余卽褒斜。○漢志武功縣。斜水出衙嶺山。北至郡入渭。武功今郿縣也。梁州記曰萬石城。沂漢上七里。南口曰褒。北口曰斜。長四百七十里。武侯嘗出武功屯五丈原。卽此路也。五丈原在郿縣西南二十五里。

湟中。今西寧也。○唐鄯州。宋改樂州。或讀去聲。蓋與潢通。積水池也。

龜茲。漢上郡有龜茲縣。音丘慈。○此因有龜茲國而名也。詳見外國名條。

邠縣音夾。屬汝州。○此乃楚公子圍葬邠。杜氏曰屬襄城。宋為潁昌府邠縣。今時之汝州邠縣也。邠。鄔說文曰河南縣。直城門宮陌地。在臨汝。即今汝州。河南府之陝州音閃。古西虢也。篆作𡗗。邠篆作𡗗。夾從二人夾一人也。夾以冉切。說文曰盜竊懷物也。从亦。有所持。或曰字說家所分。

不羹。楚子城不羹。注音郎。今南陽府舞陽縣。有定陵城。是其地也。○韻會廣韻陽韻皆未收此字。殆漏失耳。本作更。古陽庚通。更讀如岡。又轉為郎耳。

戲陽。即戲陽。戲平聲。○光武親破五較於蕘陽。注引杜預言戲陽。左傳荀盈卒於戲陽。今彰德府城東。有戲陽城。

澗池。澗音勉。漢屬弘農。今屬河南府。○即永寧縣亦澗池地。澗澗之水。澗則音繩。在今青州府。又漢江夏郡有鄆縣。母杏切。又作旨。冥阨。毘塞。皆鄆也。王伯厚鄆。毘冥。皆音萌。正與旨音近。

閿鄉。閿本作闔。無分切。訛為受。○弘農湖縣有閿鄉。今為縣。屬河南陝州。唐之鼎州也。旻火劣切。日使也。又忽域切。則與昊通。闔恤。皆一音也。郭璞作汝授切。非。

緱氏。緱音溝。今河南府偃師縣有緱山。轅轅山。○左傳欒盈過周。王使候出轅轅。注曰緱氏縣東南。所謂武關者。則在西安府

之商州。左傳楚司馬起豐析以臨上雒。使謂陰地之命大夫曰。將通于少習以聽命。杜注少習商縣武關也。貨殖傳南陽西通武關。鄖關武關。秦之南關也。今人或指緱氏之轅轅為武關。則誤矣。

大菩山作大苦。○山海經大菩之山多瑋瑋之玉。其陽狂水出焉。有三足龜。食之已腫。水經注作陽城大苦口。狂水經綸氏縣南。

濯陽縣屬汝南郡。○應邵曰濯水出吳房東入瀨。瀨七吝切。汝南今為汝寧府。吳房今遂平縣也。汝南有鮦陽縣。孟康曰鮦為紂紅反。今新蔡有鮦水。方子謙上聲。音紂誤。詳見疑始。

潘鄉即寤。○孫叔敖子孫所封寤丘也。漢志作寤。世祖更名固始。今屬汝寧之光州。延熹二年立叔敖饒碑。封于潘鄉。即固始。澗疆。澗水名。一作澗。又作澗。於謹切。○說文曰。水出潁川陽城少室。今登封縣。東至今陳州商水縣入潁。隋之澗州。則又在汝陽縣。

涅。乃結切。○從日土。作皀非。上黨有涅氏縣。因涅水名。南陽亦有涅。南縣亦因涅水。四川亦有涅。漢志益州郡銅瀨縣注。有談鹵山。迷水所出。東至談藁縣入涅。

縣壅山。一音甕。○水經注晉水出縣雍山。箋曰孫云壅。山海經作雍。音甕。

蔚州音鬱。今屬大同府。○又西魏蔚州。是今慶陽府合水縣。又後魏蔚汾。在今岢嵐州之興縣。岢嵐音可藍。

崞縣。崞音郭。今屬太原之代州。○九域志有崞山。地理志名山無崞山。而有五臺山。道經以爲紫府。內經以爲清涼山也。今代州。仍有五臺縣。漢之慮虜也。與繁峙接界。峙音止。本漢縣。地理志作峙。今仍之。

方與音房豫。○左傳城郎注。杜預曰。高平方與有郁郎亭。今澤州高平縣。戰國之長平。漢之泫氏也。秦破趙長平。卽此。顯德元年。次澤州。及劉旻戰于高原。敗之。追及于高平。又敗之。魏相封高平侯。又平涼府固原州。漢高平。據漢志。方與縣在山陽郡。房

晉灼之音也。

陽夏音櫃。○馮異封陽夏侯。陽夏地名。尚德論曰。大康被羿所距。營陽夏城居之。今拱州大康縣是。或讀如字。

菽人菽數瓦切。梅氏音鎖。本音雖。○卽菱字。菱也。菽人縣屬上黨郡。絳侯世家。霍人。注音鎖。樊噲傳。霍人。注作菽人。蓋霍本有雖音。見文選注。

涑水。涑息錄切。音疎。○呂相絕秦曰。伐我涑川。杜曰。出河東聞喜縣。今解州。聞喜縣是。至蒲州入河。今光山有涑水書院。涑水司馬溫公別號。光父池爲邑令時。生光于此。轉注略。涑音疎。

沁。音侵去聲。○沁州沁源縣。澤州又有沁水縣。沁州是晉銅鞮

也

曲逆舊音去遇。當如字。○平城圍解。高祖南過曲逆。改陳平戶。牖侯為曲逆侯。音去遇。顏之推譏之。據孟康曰。中山蒲陰縣。又有曲遇。曹參傳破楊熊。曲遇攻雍。曲音丘。羽反。遇音顛。此始關中地。水經注。濡水注。博水濡水出蒲陰縣。回湍曲。復謂之曲逆水。故縣名曲逆。哀四年。齊國夏伐晉。取曲逆。即漢高帝擊韓王信。自代過曲逆之地也。章帝章和二年。以名不善。改曰蒲陰。烏。今澹園與朱光家。張位李登。猶以曲逆當音去遇耶。或曰。今保定之完縣。乃曲逆侯國。

乾侯音干。○左傳注疏。及杜林合注。皆不音。漢書注。顏師古音干。今廣平府成安縣古乾侯地。與乾時春秋地名同音。謂其水嘗乾也。見水經注。說文有鞞。因此立字耳。

襄賁開陽二縣。地理志屬東海郡。賁音肥。○廣記。襄賁廢入沂州。臨沂縣。沂。魚中。魚衣二切。今沂州屬兗州府。後魏北徐州。隋臨沂。唐琅琊也。開陽本鄆國。春秋叔孫州仇城。啓陽。漢避景帝諱。改開陽。復廢入臨沂。荀卿子說齊相曰。楚人則有襄賁開陽。以臨吾左是也。今徐青之水。以沂名者三。惟出太山者為大。酈道元謂一出尼丘。徑魯之雩門。一出太山之冠石山。一曰沂。過臨沂之東。承縣之西。下邳縣入泗。以智考之。與河泗合也。泗在黃河南。沂在河之北。豈得言入泗乎。賁之音肥。以墳音轉也。

新鄴音妻。○又十六年盟於鄴丘。應邵曰秦伐魏取鄴丘。漢興爲新鄴。蘇秦說魏曰南有新鄴。則非漢改是名也。後漢郭竟封新鄴侯。注屬汝南郡。故城在今潁州汝陰縣西北。今汝寧府商城縣。漢新鄴也。潁州宋爲順昌府。卽漢之汝陰。今雖分屬鳳陽。然正與汝寧商城連界。又漢廣漢郡有鄴縣。史記注鄴丘又音七系。反今之潼川州射洪縣正漢鄴縣地。射音食。

洹水。洹戶干切。○傳曰濟洹之水。杜氏曰水出汲郡林慮縣。本隆慮。避殤帝諱。音林閣。洹水入張中河。至修入漳。項羽與章邯盟洹水南。殷虛上林慮。今亦屬彰德府。後周分相州臨漳界。置洹水縣。後省入大名府成安。今魏縣。古洹水也。山海經神囷之山。黃水出焉。東流注于洹。隋圖經謂安陽河。卽聲伯夢涉之所。洹川。直几切。○光武敗莽兵於昆陽。大雨。洹川盛溢。出魯山。南經昆陽城東。北至潁陽定陵入汝。陽處父與楚子上夾泝而軍。泝卽洹字。昆陽城在今南陽府之葉縣。葉音攝。泝則直尼切。水出常山入河。斬陳餘。泝水是也。

闕與韓地。闕音焉。與去聲。胡三省音闕爲邊。○正義秦韓相攻於闕與。而趙奢破秦軍。郡縣志闕與山在磁州。武安縣。今磁州屬彰德府。又郡國志上黨涅縣有闕與聚。括地志曰今名烏蘇城。在潞州銅鞮縣。銅鞮宋之威勝軍。今爲江州。江州之武鄉縣。卽漢涅縣地。又儀州和順城。亦云韓闕與。和順春秋榆城。儀州

卽今遼州。如耳曰魏伐趙斷羊腸。拔闕與是也。羊腸正義云太行山阪道名。南屬懷。北屬澤。按秦上黨郡。今澤潞遼沁四州之地。兼相州之半。韓總有之。至七國時。趙得遼沁。韓猶有潞州及澤之半。半屬趙魏。沁州在羊腸之西。遼并代三州。在句注山之南。今太原晉陽西北。通河西上郡關曰羊腸坂。是。通典太原陽曲縣有乾燭谷。卽羊腸坂。後漢鄧訓傳注。今嵐州界。羊腸坂是也。隋煬登太山。問崔頤。對曰。上黨壺關縣有羊腸坂。又皇甫謐地書云。太原北九十里。有羊腸坂。戰國策說秦曰。西攻脩武。踰羊腸。郡縣志。羊腸在太原交城縣東南五十三里。是有數羊腸坂。

句注。句音鈎。其音章。句之句者非也。山在伐州雁門縣西北。○蘇厲曰。齊反。至分先俞於趙。正義至音邢。分當作山。括地志云。句注山一名西陘山。俞容朱切。爾雅西隄雁門是也。郭注曰。西隄卽雁門。先西聲相近。白虎通曰。西方者遷方也。

漳滏屬磁。○吳起曰。殷紂之國。左孟門而右漳釜。注云。水熱。若出於釜。故名釜。今在磁州。清漳出沾山。大要谷。今太原府平定州樂平縣少山也。樂平卽漢沾縣。濁漳出潞安長子縣鹿谷山。卽發鳩山。東至彰德府入清漳。九域志。冀州衡水縣長蘆河。卽禹貢衡漳之故瀆也。洛水至廣平。末年縣東南二十里。洛漳合流。二章本入河。河南東徙漳。遂專達於海。趙王謂公子成曰。吾

國東有河薄洛之水。徐廣曰安平經縣西有漳水。津名薄洛津。袁紹在薄洛津聞黑山賊信是也。按漢信都。安帝更名安平。通典貝州經城縣。宋省入大名府宗城縣。在此特為廣宗縣。屬順德府。漳有十。見前。

番吾即蒲吾。○蘇秦曰秦甲渡河踰漳。據番吾。則兵必戰于邯鄲之下矣。括地志蒲吾故城在鎮州房山縣東。今之真定府平山縣。即漢蒲吾也。番當音蒲。史記番君音婆。嶺南番禺音潘。

鄆城音絹。屬濮州。○古顓頊之墟曰帝丘。夏昆吾氏所居。春秋衛成公都此。漢鄆城。隋濮州。今仍為濮州。屬東昌府。魏武之興。全賴荀彧為守鄆城。呂布攻鄆城不下。西屯濮陽。操曰布不能

據東平。斷亢父泰山之道。吾知無能為也。濮陽今屬大名之開滑。昆吾之伯。想兼有之。亢父屬東平國。正義曰故城在兗州任城縣。今之濟寧州也。沛公還軍亢父。光武征龐萌至亢父。

于越即於越。作于者非也。○荀子勸學篇于越夷貊之子。注于越猶言吳越。呂氏春秋荆有飲飛。得寶劍于于越。高誘曰于。吳邑也。方子謙收入寒韵作于。智按是于字。于粵猶句吳也。王會篇曰於越納。補注曰春秋定哀二書於越。漢書于越。注于。發語聲。于謙或據前人小說。須知與豸鳩同誤耳。

澶市連切。衛地。○杜氏曰在頓丘縣南。今名縣汚。衛地也。汚音紆。宋禦遼于澶淵。今大名府開州滑縣。是古衛地。頓丘一作敦

丘亦其地也。

平谷音裕。○問音集曰裕峪同。今屬順天府。梅氏峪音育。廣韻韻會諸書皆無峪字。智按此人呼谷為裕。猶呼綠為慮也。

鄆縣貫縣屬鉅鹿郡。○師古曰鄆若么反。貫式制反。王子侯表貫鄉侯平音式制反。當是貫字訛為貫也。

督亢音剛。○燕丹獻督亢圖。水經注涑水一名巨馬河。合流督亢溝。水耗則伏而顯于迺縣。包方城縣為督亢澤。涑志有督亢亭。固安縣有督亢陌。督亢澤南為白溝水。又鳳陽懷遠縣有督亢城。

迺古迺屬涿郡。○亦見侯表。朔方郡又有呼迺縣。

蓀音條。○河間府景州。春秋晉條地。漢廣川隋蓀縣。高允封隆之皆蓀人。

瀕水音輦。即沈水。○山海經王屋山瀕水注於泰澤。水經注箋引此瀕水。智謂即沈。見前兗濟條。

宛胸音寬。劬今曹縣。○靳歙以中涓從起宛胸。歙音翁。徐廣曰。賁棗城在宛句。大宛國之宛。南陽縣之宛縣。皆音鴛。

荏平音之疑切。今屬東昌府。○漢東郡有荏平縣。泰山郡在荏縣。今訛為荏。音持。貨殖傳山不荏。欒師古曰古槎字也。

單父音善甫。○呂覽言宓子行其術于單父。猶禪禮壇之類。可知。古單單皆有一音。必讀善甫者。亦一儒之音釋也。

愷縣音堅。屬東萊郡。○有鹽官。呂忱為愷令。今通考引用皆省作弦。

費縣音秘。音蜚。○後為姓。或作鄴。趙明誠曰。費長房。費禕。音蜚。琅邪費氏音秘。

輒屬北海郡。○師古曰。卽執字。北海又有平的縣。

灤水。盧谷切。又郎狄切。○魯會齊侯於灤。杜曰。水在歷城西北入濟。說見濟下。問奇集音粕。兗州府東平州梁山灤。當音泊。

負尾卽陪尾。○泗水出兗州府泗水縣。陪尾山。經曲阜。滋陽。濟寧。又韻會。陪尾山。漢地志作倍尾。江夏安陸。橫尾山。水經注。洛水過五零。陪尾。北與澗。灑合。今德安府城東北。有陪尾山。三輔

黃圖。蕢陽宮。蕢音倍。可知古通用矣。

乘丘。于乘。皆去聲。○今濟南府濱州。漢千乘地。爾雅如乘者。乘丘。注形似車乘。謂稻田。墜埒。莊十年。公敗宋師于乘丘。屬漢秦山郡。集韻。墜埒。卽說文之墜。

鄆城音運。○今屬濟寧府。乃漢廩丘地。隋為鄆城。唐為鄆州。東平州則隋之鄆州也。青州沂水縣。乃春秋鄆邑。古今錯亂。大為難記。如濟南府齊河禹城縣。皆漢祝阿地。而祝阿城。乃載於長清。長清又載為漢盧縣地。武王封黃帝後於祝。在此。如鄆城為漢廩丘。而廩丘城又在東昌府之范縣。至廩延。則是酸棗。今為開封延津縣。漢志琅邪郡東莞。莞音官。故鄆城有術水。卽沐水。

也。今廣州又有東莞。

吾山在東阿縣。吾音魚。○漢武瓠子歌云。功無已時。今吾山平。卽此。瓠子曰。宣房在大名開州。其下流經此。漢東海郡有鄆鄉縣。亦音魚。

濕卽溲。他合切。○說文曰。水出東郡東武陽。元爲開德府朝城縣。今朝城屬東昌府之濮州。本商王畿地也。漢志作溲。禹貢浮於濟溲。累於他合之音難諧。漢平原郡有溲陰縣。佩觿集曰。有以水名之。濕爲下濕者。六書故曰。暴。說文曰。從日。絲。微妙也。從日中視絲。古以爲顯字。或曰。讀若唵。或以爲繭。繭者絮中往往有小繭也。孫氏五合切。疑此卽繭。而又讀若榻。漢碑溲溲多通。

詳見禱說。

不其。如淳音基。縣屬瑯琊郡。○有太乙祠明堂。弱侯論不字如專。

斗鄴。卽斟鄩故城。在青州北海郡。○今斟灌城在壽光縣東。地理志作斗。今斗城是。

黃堦。賈魯河道。○自黃陵南達白茅。放於黃堦等口。卽今賈魯河故道也。白茅在曹縣。黃堦在單縣。萬曆丙申黃堦河決。由賈河故道出符離集等處。蓋卽元人所挑矣。

濡水音乃官反。○漢志遼西肥如縣。注青水東入濡水入海陽。王莽曰肥而。師古曰濡。乃官反。今字書韻書皆無此音。

軼音大。屬江夏。○漢王翳子符徙封軼侯。後漢書作軼。音大。智按說文軼。特計切。韻會引漢地理有軼縣。徒蓋切。而唐韻韻會。銑韻無軼字。可知軼訛。

泚水出茶陵縣。○地志謂之泥水。洋湖所注也。上有峨山。酈道元味曰。登戎陽。觀樂藪。峨嶺千蕤。洋湖口。

樂浪音狼。○漢置元菟樂浪。樂浪有訃耶縣。訃音男。後漢王景八世祖仲。以濟北王興居反。欲誦仲。仲奔樂浪。家於訃耶。又有不而縣。而或音倪。又有黏蟬縣。服虔曰。蟬音提。

錫縣。漢屬漢中之縣。應劭音陽。○師古曰。卽春秋所謂錫穴也。隋曰。鄭鄉。唐曰。南豐。曰。浙川。此時為鄭陽府。今一統志音釋不詳。何惟時人之呼為錫耶。弘農郡注有甲水。出秦領山東南。至錫入沔。卽此也。譙周子同。為錫令。

佷山縣。屬武陵郡。音恨。○出藥艸。蔡邕傳。卓自佷用。佷當與恨同。篆當作𠄎。王莽兒佷。元命包曰。愀然佷然。注戶懇切。

茶陵屬長沙國。小顏音式奢反。○益知古人呼茶為塗。而古之茶卽茶字也。

澗水出豫章艾縣。○左傳吳公子慶忌諫夫差不納。居於艾是也。水過長沙羅縣。積為町湖。

郁鄢。水經注音存罵。漢縣屬犍。音為。在朱提。音旁。○六書故作辱鄢。則王莽時改也。犍為屬嘉定之縣。古為郡名。如馬湖府及

敘州之長寧縣。眉州之青神縣。卽青衣。皆屬漢犍爲。犍爲有牛
 鞞音解縣。劉裕遣臧熹同朱齡石入蜀。譙小苟塞打鼻。熹至牛鞞
 進攻。卽牛鞞也。青衣。禹貢蒙也。有大渡水。至南安入濊。音哉高守
 恒詩。犍爲牛鞞。朱存馬。豹領蛾眉。青合羊。亦巧語也。証知存馬
 加邑旁耳。

冉驪音麗。今四川之松潘地也。○武帝開冉驪爲汶山郡。唐置
 松州。宋爲茂州。灌疊皆所屬。維州在其外。

邪龍屬益州。孫恂音邪。爲牽。○升菴曰。孫恂音邪。龍爲顛。智按
 唐韻與汧蚺雅并列。疑是邪之訛。

收靡縣味縣。皆屬益州。○李奇曰。靡音麻。升麻所出。孟康曰。味

音昧。

監町山從陟山。皆屬益州。○益州律高縣有監町山。出銀鈔師
 古曰。監音呼。鴟反。來唯縣從陟山。出銅。陟音胡。工反。益州又有
 葉榆縣。葉如字。人或誤讀爲攝。有葉榆澤。在東。貪水。首受青蛉
 水。南至邪龍。入僕水。又有不韋縣。智按。常璩南中志。漢武置巂
 唐。不韋二縣。徙呂嘉子孫實之。因名不韋。以彰先人惡行。人歌
 之曰。漢德廣。開不賓。渡博南。越蘭津。渡蘭滄。爲他人。

胸臆屬巴郡。○其地多此蟲。遂以爲名。問奇集音瞿。閩。字彙胸
 作胸。音潤。戴氏亦云。胸訛爲胸也。胸尺尹切。臆爾軫切。則瞿閩
 之音誤矣。今夔州府雲陽梁山二縣是。

弜頭音奇。譯名。○常璩巴志言在胸臆。華陽國志言張儀城江州。司馬錯自巴涪水。取楚商於之地。為黔中郡。白虎為患。有秦精者。作白竹弩。殺之。秦王刻石與盟。其時號白虎復夷。即今弜頭虎子也。西漢時有扶徐。荆州着石。楚訪有弜頭白虎復夷。又曰板楯蠻。即今弜頭虎子。弜強貌。

邾亭。居容切。○晉郭璞傳有物大如木牛。到宣城下。璞卜曰。是邾亭驢山君鼠也。智按南康志有邾亭湖。邾亭廟。亦作宮亭。其廟神能分風景。純所言驢山。得無即廬山神乎。冷齋夜話。載安息王子高安世。次邾亭湖廟。廟神言多嗔。至此求為作寺。正此地也。

剡溪。今紹興。音閃。○見梅氏音注。智按古呈剡剡。即光睽睽。音義與閃同。

公猶。今之泗州。○通典泗州漣水縣。漢公猶縣。南齊設冀州。治漣口。智按郡縣志。沐水俗名漣水。今沐陽縣也。漢之公猶。今泗州也。春秋仇猶國。今之大原府孟縣也。有仇猶城。智伯欲伐公由。遺之大鐘。即此。羅氏路史。謂智伯所伐為漣水。大誤矣。公由仇猶字通。國策作公由。史樗里傳作仇猶。韓子仇繇。高注。或作仇首。呂覽作公由。訛為夙由。皆一也。

新淦。音其去聲。屬臨江府。○又姑南切。南越地名。漢嚴助傳。處之七淦。說文淦水入船中也。一曰泥也。一作淦。

虹縣。今呼為絳。○水經注溝首對獲。世謂之洪溝。昭八年蒐于紅。杜預曰沛蕭縣有紅亭。即地理志之虹縣。王莽所謂貢也。漢碑曲紅即曲江。貢虹紅洪相通可証。以知北魏時三江猶屬東冬同音矣。

鄆音多。沛郡之縣。○功臣表有鄆侯。師古音多。智以為此單音之轉。

慶亭。慶音逞。吳地。○蘇峻亂。立大業曲阿慶亭三壘。胡身之作丑升反。

龍兗。音奪。○見張岱音注。史記樊鄴傳。戰龍脫。在易州。趙世家孝成王丹十九年。趙與燕易土。以龍兗汾門臨桑與燕。龍兗。邢

子勵趙記所謂龍山四麓。各有穴。出風者也。以兗或為脫。則音脫耳。

橐皋。漢縣。與浚適屬九江郡。○子血康音拓姑。詳見疑始。

羸。漢縣。與龍緬朱載屬交趾。音連據。○見孟康音注。今唐韻先韻中。竟造一羸字。

荃冷。即壽冷。屬交趾。音糜零。○馬援傳。徵側為麓冷縣。雒將之女。韻會引縣各作荃冷。水經注曰。盧容水逕區粟城。與壽冷水合。朱謀壘箋曰。晉志作麓冷。沈約宋書作壽冷。今從宋志。

牂牁音近臧戈。繫船楸也。○漢書作牂牁郡。地故且蘭。且音苴。沅水所出。或作牂牁。亦作牂牁。常璩作牂牁。郭忠恕作牂叢。引

玉篇。繫船大枝也。今刻佩鱗集。編作或或或。以或為成。升菴作
 成。言貴州江難渡。兩岸立兩枝。舟人循繩而渡。盤江崇安江
 皆然。因悟古人字義。按水經注。箋盤江在貴古縣南。朱哀之反。
 李恢追至盤江者也。此本是監町山。水監音呼。賜反。訛為盤耳。
 智疑盤訛為監。有盤縣不狼山。盤水一出。音蔽。又音籠。有句町
 縣。音劬。挺。談。拒縣。拒一作指。夢得玉照。四襍書曰。潯陽記。郡西松
 梓樹板。濤。牂牁處。則此語晉時猶存。
 言陶公牂牁伐此樹。淵明搜神後記。新淦封溪有吳聶友。截
 梓樹板。濤。牂牁處。則此語晉時猶存。

同僉音伴。縣名。屬牂牁。○漢昭紀同僉二十四邑。又西南志傳
 牂牁同僉。漢書亦借僉為傍字。此僉音笨。乃並之粗唇聲也。

越雋漢郡。音髓。○其縣有邛都定祚。大祚。祚秦。濤街。蘇示。師古
 曰。示讀如祇。尸江在西北。尸古彛字。越雋今為四川行都司。猶
 有武侯城。是五月渡瀘處。非內溪合江之瀘水也。

僂人。僂人。即今雲南之黑羅羅。白羅羅也。○又有麼些。秃光些。
 儂人。沙人。瀾河尋丁。蠻栗麥之類。古曰鳥蠻。白蠻。今偏沅之間。
 曰黑苗。赤苗。

滇。漢所云靡莫也。○元封中。以兵臨滇。王舉國降。

且慮音苴。廬。又音秋。閭。屬遼西。○隆慮。以避諱。音林。閭。在河內。
 夏馥所入山也。又無慮在遼東。取慮在臨淮。昌慮在東海。漢志
 俱音閭。取慮音趨。閭。

爾稽卽尼谿。○史記孔子世家。齊景公欲封孔子以尼谿之田。晏子春秋外篇。公悅之。欲封之以爾稽。卽尼谿。

塞山音密。○山海經塞山。淵明詩。乃在塞山陽。鄭鄴取以爲號。今廣韵字彙皆遺。

亞駝卽噶沱。一作虜池。惡池呼沱。惡沱虜勺。○史蘇秦說燕南有噶沱。漢光武紀。至噶沱河。周禮。職方。拜州川虜池。山海經。泰

頭之山。共水出焉。南注於虜池。又禮記。晉人將有事于河。必先有事于惡池。卽虜沱。秦穆公伐楚。詛楚文曰。告盟于不顯亞駝。

大神。卽滹沱之神。韓非初見篇。中山呼沱。以比不戰而畢爲燕。法言。吾子篇。浮滄海而知江河之惡沱。注。惡沱。淺水也。音義同。

博南言山海經虜勺。一作多。卽滹沱也。此水自代郡鹵城。今繁時也。流至參合。雲州文安。霸州入海。光武所渡在定州。今日危渡口。

焦國卽譙國。○焦澹園曰。焦國名。又姓。一作譙。國名記焦譙。一也。江淹詩。焦山作譙山。可証。

什方卽什邡。○漢書張良傳。漢高帝惡雍齒。欲殺之。用良計。封爲什方侯。猶言釋放。後漢儒林傳。楊仁拜什邡令。注。益州縣名。

音十方。離枝卽令支。○史齊世家。桓公北伐山戎。離枝孤竹。地里志。遼

西令支縣。有孤竹城。離令聲近。今音零。

傲倨。卽肅慎。○後漢東譯傳挹婁。古肅慎之國。孔融傳肅慎貢
 楛矢。丁零盜蘇武牛羊。文苑傳杜篤論都賦。所稱昆彌傲倨。卽
 肅慎。按周禮大司馬大獸公之注。獸五歲曰慎。亦作麇。禮遂疫
 與挽歌。用倨童。倨麇慎互通。王會又作稷慎。史記作息慎。後爲
 女真。遼興宗名宗真。改爲女直。

離隼卽堆。○前地理志。李冰鑿離隼。晉灼曰古堆字。晉胡奮傳
 作離埏。河渠書離隼。集韻堆。又作匪泊草。升菴引周憬碑作犁
 隼。同李冰穿二江者。王墜。

苟扇卽勾漏。○晉書高洪傳聞交趾出丹砂。求爲勾漏。今縣名。
 前漢地理志。交趾郡有苟扇縣。卽勾漏。

子同卽梓潼。○王莽自云定命于子同。卽此地也。

函山。后偶二音。○升菴言宜與漢封蔣澄爲山亭侯。當是函字
 之省。陳懋仁音后。今桐城有函山。音偶。

西洱。一作西洱西。二西珥。○唐鑑玄宗戊寅。皮邏閣疆大。注身
 之曰洱河。卽西洱河。今作西珥。漢志作西洱。升菴引隋書作西
 二。

五阮卽五原。○說文阮。代郡五阮關也。升菴云詩侵阮徂共。卽
 五原之地。今作原。智按張氏曰阮國名。共阮之地名。皆在今涇
 州。今有共池。詩地理攷注云。氏族畧。阮商諸侯。在涇渭之間。漢
 五原郡邊河西。今時延安府神木縣。皆其地。本秦九原郡。漢改

通雅 卷之十一 五原。而絳州遼州皆有九原山。乃同名也。五阮自爲五原。而侵阮之阮。則別一阮耳。升菴想未考也。

罷谷音擺。○山海經洹水出罷谷山。罷。皮買切。王僧孺姬人怨。以罷叶解買。余亦謂方言之罷音擺。淮南拘罷亦音擺。古蓋有此音。

邢卽耿。○史殷紀祖乙遷于邢。索隱曰邢音耿。今河東皮氏有耿鄉。正義絳州龍門縣耿城是。則此邢非邢洛之邢。詩地理攷引通典邢州治龍岡縣。祖乙遷邢卽此。則杜佑與王應麟皆失考。邢州今北直順德府存考。

錚于縣屬北海。以其形似錚于而名。○樂器之圓敦者名錚鈺。山海經巍山是錚于西海。又竹山錚于江。注錚猶堤錚也。敦堆聲近。蓋山川之形。有似圓堆深筍者。如玉甌峰鈷鉏潭之類。大岨。○書至于大伾。陸作大岨。一作大匠。史記作大邳。

豐鎬。○漢書傳復居于豐鎬。封禪書灃滈有昭明。○壺鮪卽狐貍。見檀弓左傳。○鄴丘。公羊作犀丘。穀作師丘。石經作蓄丘。

金潏。交趾地名。○張籍蠻中詩。銅柱南邊毒艸春。行人幾日到金潏。水經注所謂金潏清渚也。今刻本作麟非。范石湖言交趾鶴扇螺笠。貴人坐輓車。挂幅內曰抵鷗。上已拋毬曰飛馳。其論交趾交脛而今不交。則迂矣。

鱗得。鱗音鹿。張掖郡所屬縣。今之甘州。卽張掖也。○樸剗音蒲

環威所屬縣。又有蒼松縣。古松字。○允吾音鈇牙。屬金城。今莊浪。○楮次音苴咨。屬威威郡。○渠搜朔方之縣。禹貢渠叟屬西戎。而漢縣之。○大夔古要字。北地郡之縣也。當是夔字。○烏氏音焉支。索隱曰烏。於然反。屬安定郡。○朐卷音旬箇。二縣皆屬安定郡。○蓮勺。師古音輦酌。左馮翊地。○平輿。水經注汝水過平輿縣。朱謀埠曰輿音豫。○豕氏音拳精。縣屬代州。○涅陶。卽汪字。从出从土。屬雁門郡。○卽裴音肥。漢縣。屬魏郡。今大名彰德地。皆漢魏郡也。○懋題。師古曰懋。古莎字。漢屬清河郡。○雒瞽二字。工豆莫豆反。屬上谷郡。○犀奚。犀音題。或作蹄。屬漢陽郡。○猓。蔡暮音由。又音鴉。屬濟南郡。○高原。山名。壺山。涪水所出。入淮。屬琅琊。原卽柘字。涪音吾。○盧維。職方兗州。其侵盧維。音雷灘。○番汗。音盤寒。屬遼東郡。○汨羅。音密。在湘陰縣。屈子沈處。○徙縣。屬蜀郡。師古徙音斯。○鄴水。在蜀郡源縣。音壽。○毋椳。與椳同。屬益州。○崦縣。音盛。或作郅。在紹興。又平聲。亭名。在吳。○葦里。顧野王曰洛陽有葦里。音魂。又作渾。升菴音塊。殊是。

曲紅卽曲江。見漢周府君碑。曾子固言之甚詳。○溢江卽烏江。見玉篇。○無慮卽無閭。見九域志。引醫無慮山。○西虞卽西吳。管子。○賁隅卽番禺。山海經桂林八樹。作賁隅。○櫟榆。櫟榆皆葉榆國。○荆荼。史記引荆舒作荆荼。○戶孫卽烏孫國。見呂覽。

○博狼卽博浪。漢書。○賁渾卽陸渾。見山海經。乃裔之訛。○餘汗卽餘干。漢書。○烏巨卽烏桓。晉書作烏丸。○西零卽先零。○銅瀨卽漢志同勞地。在益州。見水經注。作銅瀨。○天苴。張儀傳。天苴卽天巴。○鄱城卽訾城。左傳注。○銅庭卽洞庭。山海經。○罌罌卽之罌。見張九齡詩。○扶掃卽扶漫。史記。○蕩陰卽湯陰。九域志。○終隆卽終南。淮南子。○陳寔卽陳寶。說文引陳寔赤刀。○毋野卽牧野。說文。○踰次卽榆次山。見山海經。○有鄆卽有扈。史記。○剗道卽棧道。史記田叔傳。○四竇卽四瀆。周禮注。○終髮卽窮髮。南荒地。莊子。○坳澤卽滎澤。杜預引竹書紀年。○汎國卽豳國。爾雅。○邛愁卽邛焚。漢碑。○三峽卽三峽。見升

菴引字誤。○倉吾卽蒼梧。見汲冢。○芮隄。隄與鞠同。漢地志注。韓詩皆引芮隄之卽。周禮注作納隄。又作坭。九乃上聲。毬轉入爲鞠。故蹴鞠卽擊毬。○祁黎。左傳隱十一年會時來。公作祁黎。左文作邾。滎陽縣東有釐城。○歐蛇。桓十二年。左傳盟于曲池。穀作油池。公作歐蛇。○須眇。左作伐邾。取須句。公作須眇。○首戴。僖五年。左會首止。公穀俱作首戴。○泥母。左甯母。穀作寧母。杜注高平方與縣東有泥母亭。母又音無。○訾樓。僖三十三年。伐邾。取訾婁。公作叢婁。穀作訾樓。○垂歛。左文二年盟垂隴。公穀作垂歛。○斐林。宣元年會蜚林。伐鄭。公作斐林。注引禮記。必將有事于蜚林。卽配林。○無婁。宣十五年會無婁。公作牟婁。袁

婁作爰婁。○貿戎。成元年王師敗于茅戎。公穀作貿戎。○瑣澤。成十一年會瑣澤。公作沙澤。○苕丘。公作招丘。○善道。襄五年會吳于善道。公穀作善稻。○偃陽。襄十年滅偃陽。穀作傳陽。○大鹵。公穀作大原。○屈銀。公羊屈銀。左作厥憇。○臯馳。公羊作浩油。○藻蔕。定十五齊衛次于藻蔕。公作蘧蔕。○郕。公作盛。○祊穀作會于防。公亦作邴。○夫鍾。作童。○奚作郎。○禚作郛。○滑作郎。○檉作杙。○鄆作犁。作麗。○下陽作夏陽。○孟。公作霍。穀作雩。或作宇。○緡作閔。○蓼作鄆。○辰陵作夷陵。○鄆作運。○鄆作標。○鄆作詩。○桃作洮。○祝柯作祝阿。○此俱字同音異。與音同字異者。

卷之十六終

通雅卷之十七

桐山方以智密之輯著

同里姚文燮經三較訂

地輿

九州建都考略

九州分合。以禹所作者為正。○周禮疏云自神農以上有大九州。黃帝乃於神州內分九州。騶衍所云赤縣神州是也。外有大瀛海。大九州。淮南陸形訓。東南神州農土。正南次州沃土。西南戎州滔土。正西弇州開土。正中冀州中土。西北台州肥土。正北濟州成土。東北薄州隱土。正東陽州信土。臆造名耳。帝王世紀云。冀兗青徐揚荆豫梁雍九州。顓帝所建。帝嚳受之。葉氏曰。祭

法共工氏霸九州。其子曰后土。能平九州。九州之名舊矣。舜十二州。冀、兗、青、徐、揚、荆、豫、梁、雍。幽、并、營。漢地理志云。堯遭洪水。天下分絕為十二州。禹平水土。更制九州。與孔馬之說異。禹九州。冀、兗、青、徐、揚、荆、豫、梁、雍。帝王世紀云。堯遭洪水。分為十二州。今虞書是也。及禹平水土。還為九州。今禹貢是也。山海經稱禹使大章步自東極。至于西垂。二億三萬三千五百里七十五步。豎亥步南極。盡于北垂。如之。言步筭也。爾雅九州。兩河間曰冀。河南曰豫。河西曰雍。漢南曰荆。江南曰揚。濟河間曰兗。濟東曰徐。燕曰幽。齊曰營。孫炎曰。此蓋殷制。以異禹貢周禮耳。陸氏曰。禹貢有青、徐、梁。而無并、幽、營。爾雅有徐、幽、營。而無青、梁、并。職方有

青、幽、并。而無徐、梁、營。蓋周九州。揚、荆、豫、青、兗、雍、幽、冀、并。又中土作白上。台州作柱州。濟州作玄州。薄州作咸州。信土作申土。四極四荒。非立圓。當以地球五大州準之。○爾雅泰遠。邠國。濮。鈞。祝栗。曰四極。觚竹。北。兀。西。王。母。日。下。曰四荒。邠說文作汭國。觚竹者。漢地理志遼西。今支有孤竹城。在平州盧龍縣南。唐平州。今永平府也。北。兀。者。卽日南郡。西。王。母。者。西。荒。經。崑崙之丘。有人戴勝。虎齒。曰西王母。穆天子紀其跡于弇山。名曰西王母之山。日下者。日所出處。其下之國倭。一名日本。自云國在日邊。呂覽曰。東至開梧。南撫多類。西服壽靡。北懷儋耳。四極內。東西五億有九萬七千里。南北亦然。尸子曰。有君長者。東西二萬八

千里。南北二萬六千里。張平子靈憲云。八極之維。徑二億三萬二千三百里。南北則短減千里。此非立圓也。今太西以天球地球應度。二百五十里移一度。則知地周九萬里。計地面至中心。隔一萬四千三百十八里。零十八丈。愚者歎曰。莊子以六月息九萬里。表法已知之邪。極九六而闡合耳。十二而舉其半。猶六爻之藏萬理也。騶衍大九州。縣臆耳。修多羅香水華藏圖。如塔然。表心量耳。今資太西之質測。以証周髀歸于河洛。則不定皆一定矣。乃悟聖人之差別智。本易簡也。

郡縣大小不一。春秋郡屬于縣。戰國後縣屬于郡。○周書作維。篇曰。千里百縣。縣有四郡。說文引之。智按周官有在鄉之縣。有在遂之縣。有采邑之縣。有閒田之縣。故王畿謂之縣。其名不一。有以一村爲一縣者矣。呂氏曰。春秋時郡屬于縣。趙簡子誓衆所謂上大夫受縣。下大夫受郡是也。戰國時縣屬於郡。秦紀惠文十年。魏納上郡十五縣是也。方孝公商鞅時。并小縣爲大縣。縣一令。尚未有郡牧守稱。及魏納上郡之後十餘年。秦紀置漢中郡。或者山東諸侯先變古制。而秦效之與。戰國策楚王以新城爲王郡是也。漢興置大諸侯王國。成帝開廣三邊。故自高祖增二十六。文景各六。成帝二十八。昭帝訖於孝平。凡郡國一百三。侯國二百四十一。晉志云郡國一百十一。而漢志云一百三。或有未考也。元封五年。初置部刺史十三人。通典云十三部不

通雅 卷之十一 江山此痛車
常治。後漢司隸治河南。今河南南府。豫治譙。今亳州。兗治昌邑。今兗州府金鄉縣。金鄉猶有昌邑城。徐治郟。今邳州。青治臨淄。今青州府。涼治隴。今鞏昌府之秦州秦安縣。非今鳳翔府之隴州也。并治晉陽。今太原府。冀治鄗。今真定府。趙高邑縣。幽治薊。今北京。揚治歷陽。今和州。荆治漢壽。今常德府。或陵縣。益治雒。今成都府之漢州。交治廣信。今梧州。關中復置雍州。後罷。興平元年。分涼州河西四郡爲雍州。是爲十四州。三國魏州十二。蜀置益梁二州。吳置交廣荆郢揚五州。晉平吳凡十九州。南北僑大自侈而已。隋改州爲郡。凡郡一百九十。唐改郡爲州。太守爲刺史。分十道。凡州府三百一十五。而羈縻之州。蓋八百二十四都。

督。開元二十一年。分十五道。置採訪。曰京畿。治西京城內。曰都畿。治東都。今河南。曰關內。多以京官遙領。曰河南。治汴。今開封府。曰河東。治蒲。今蒲州。曰河北。治魏州。今大名府。曰隴右。治鄯州。今西寧衛。曰山南東。治襄陽。曰山南西。治興元。今漢中。曰劍南。治成都。曰淮南。治揚州。曰江南東。治蘇州。曰江南西。治洪州。今南昌。曰黔中。治黔州。曰嶺南。治廣州。置十節度。嶺南五府。經略。此外長樂。經略。東萊。東牟。兩守捉。宋二十三路。至道三年。定十五路。咸平四年。分川陝爲四。益梓利夔。天聖分江南爲二。康定二年。分陝爲四。秦鳳涇原環慶鄜延。慶曆四年。分河北爲四。定州高陽真定大名。皇祐三年。分淮南爲二。揚。廬。熙寧五年。分

京西為南北。陝西又為六路。八年分河北為東西。共二十三路。元以各州為路。分為行省。今時仍省名。改為府。雲麓漫抄言漢刺史無所處之地。以戴叔倫撫州廳壁記云。居靡定處。權不牧人。遂確以為無治所。此未見通典邪。居靡定處。言出巡耳。

古都○處義。鞏昌府秦州人。都陳。今陳州宛平。今時陳州屬開封府。陳州見有伏羲廟及陵。○神農隨州人。都陳。又徙營曲阜。春秋稱魯大庭氏之庫。○黃帝陝西中部縣人。都涿鹿。上谷之涿鹿。世本云涿鹿在彭城。則上谷亦名彭城。或曰都有熊。河南新鄭是也。涿州今有涿鹿驛。而保定府乃秦之上谷。鉅鹿漢之涿郡。今保定府有涿鹿山。黃帝破蚩尤于此。○少昊自窮桑登

伏。徙曲阜。○顓頊自窮桑徙帝丘。東郡濮陽是也。濮陽故城。在今澶州濮陽縣東。明朝為開州。郡縣志載高陽故城。在汴州雍丘縣西南。或曰顓頊高陽都杞。○帝嚳都亳。河南偃師是也。堯舜禹俱都平陽。○堯始封唐。中山唐縣是也。都平陽。今臨汾縣。○舜都蒲坂。唐河中。今蒲州。屬平陽府。平陽府。古亦通稱蒲州。○禹生石紐。都安邑。陝州夏縣。漢為安邑。屬河東。後魏改夏縣。此時安邑屬平陽府之解州。隋為虞州。禹受封夏伯。今河南陽翟也。輿地志言宿州虹縣。本夏丘。恐非。商都八遷。○封商。在上洛商是也。昭明居砥石。遷于商。湯始居亳。有三亳。二在梁國。一在河洛之間。穀熟為南亳。即湯都也。蒙

為北亳。即景亳。湯所受命也。偃師為西亳。即盤庚所徙也。宋州穀熟縣。即此時歸德府之考城縣。考城今有亳城。有大蒙小蒙。蒙與穀之亳。尚有分邪。本清曰。湯遷南亳。即歸德府。亳一作簿。荀子湯以簿。管子曰。湯以七十里之亳。地理志山陽郡有簿縣。注湯都亳。說文亳。京兆杜陵亭名。則又一亳也。呂覽所言之鄆。其始封邑也。升菴以鄆即殷字非是。詳見襍論。仲丁遷於囂。敖倉是也。今之開封府鄭州滎陽縣。秦置敖倉於此。河陰縣有敖山。河壘甲居相。去鄆四十里。殷墟南。今輿地記以為大名內黃。祖乙遷于耿。河東皮氏縣。在今為平陽蒲州之河津縣。遷邢。即襄國。今順德府邢臺縣。所謂龍岡也。音吹為邢者。索隱之說也。盤庚遷亳。殷偃師也。通志激水出陽城。東至西華汝陽入於潁。古人并謂潁為激。詩補傳曰。激急同音。今陳州之商水縣也。或乙徙河北。居朝歌。即漢野王。今懷慶府河內縣也。或曰竹書紀年。南庚三季遷奄。在淮夷北。則商凡八都矣。

周建都。○后稷岐山縣人。封郃。扶風釐城是也。即今鳳翔府。公劉徙豳。今西安府邠州也。鳳翔府郃縣。云是古郃國。有郃城。一作釐城。釐城豳城。駘城。見左傳注。此古人字形相通。台怡之音亦通也。太王邑岐。今有岐山縣。古岐周地。云在美陽。是成功縣。非今之扶風縣也。王季宅程。周書作郃。詳前下文王徙鄆。在京兆鄆縣東南。或王都鎬。漢鑿昆明池是也。周公營洛。即今河南府。懿

通雅 卷之十一 王徙伏丘。秦曰廢丘。京兆魏里是也。今之興平縣。厲王居焉。通典。晉州霍邑。漢彘縣。今霍州。平王徙洛。兩周。正義曰。王城及鞏。非也。桓居河南。惠居洛陽。詳見前。

秦都咸陽。○孝公作咸陽。自櫟音樂陽徙居之。關中四塞。舊說引及居庸誤矣。櫟陽卽萬年縣。近朝爲臨潼縣。

漢都○初居櫟陽。馮翊萬年縣。今西安府之咸寧臨潼縣也。七季都長安。卽秦咸陽。京兆所治縣也。光武棗陽人。入雒陽。幸南宮卻非殿。遂定都焉。

三國○蜀都成都。○魏都鄴。今彰德府。○吳始都于丹陽。築京城。徙秣陵。改爲建業。黃初徙鄂。改武昌。後還。章浦曰。吳都武昌。

乃武昌縣。王伯厚曰。庾亮南樓非鄂。皆因舊志注而然也。兩晉南北朝都○晉或都洛。爲西晉。元遷建業。爲東晉。宋齊梁陳皆因之。○北魏倚盧自馬邑。爲代王。什翼犍更營盛樂。珪都

雲中。徙都平城。孝文遷洛陽。改元氏。雲中代。卽大同府。盛樂在朔州。唐之朔州卽馬邑。屬定襄。定襄馬邑。今皆屬太原縣。平城

卽雲州。定襄縣。通典曰。卽雲州。隋雲內常安鎮也。地在今府。隋都長安。○新建大興城。

唐五都○高祖單陰縣人。都長安。改大興縣。復爲萬年縣。玄宗幸蜀。以成都爲南京。至德二載。以鳳翔爲西京。西京爲中京。上

元元季。置南都于荊州。寶應元季。詔曰。五都。

通雅 卷之十一 地輿 七 季山北或干

五代都。○朱晃都汴。○後唐莊卽位於魏州。遷洛。○晉石敬瑭太原卽位。都洛徙汴。○漢劉暠卽位於太原。都汴。○周郭威都汴。

宋四京。○西京洛陽。開寶八年修洛宮室。南京應天府。祥符七年升。太祖以歸德軍節度使卽位也。北京大名府。慶曆二年升。按晉賜畢萬魏。卜偃曰魏大名也。爲河中之永樂。今蒲州也。非元城之魏也。後漢以大名名此舛矣。又閱舊唐書田悅稱魏王。以魏州爲大名府。其失始此。

元大都上都。○元以燕爲大都。卽京師。明初名北平府。永樂改順天。古爲薊城。廣陽卽金之中都也。紹興二十二年。金主亮徙都之。名大興府。治薊。春秋燕國都。碣石前漢爲薊縣。舊治燕都。有桑乾水。慕容儁都此。元之上都。則今開平衛。在延慶靖胡懷來土木之北。一統志云雲州獨石衛。在元之上都城內。宣德五年築城。又曰卽金桓州。地有查河。元初建都於和寧。卽哈刺禾林也。有迷河溫泉。老父中丞公邊略曰。自以大寧靖難棄爲三衛。而宣遼隔矣。後又以撫賞失節。邊將殺熟丁報級。而屬于建矣。天子自守邊。而項後古北潮河。不二日至安定門。徐中山亦出塞而入。取燕者也。薊密昌庸重哉。

五霸。○夏伯昆吾。東郡濮陽縣。唐武德四年析濮州濮陽置昆吾縣。今屬開德府。智按濮州在東昌府。大名府滑縣與開州。又

屬古濮陽地。地相近也。今開州境有濮陽城。○商伯大彭。今徐州。○豕韋。東郡白馬縣。東南有韋城。今滑州韋城縣。智按亦是滑縣地。滑縣有白馬山。所謂黎陽津。即白馬之津也。韋津一作圍津。○周伯齊桓。初太公都營丘。即臨淄。胡公徙居薄姑。智按今青州博興縣也。其應劭所云瑯邪姑幕。為古薄姑。非是。今博興縣有薄姑城。莒州有姑幕城。可以較矣。獻公復都臨淄。○晉文。叔虞封唐。在絳州翼城縣西。子燹徙晉水傍。穆侯自晉陽徙都絳。孝侯改絳為翼。一名故絳。後為曲沃。成公所并。又命曰絳。景公遷新田。又稱新田為絳。○郝氏曰。隱公初季。周室東遷。鄭莊公始射天子。專征伐。是伯之始也。閔僖之間。齊繼之。晉文繼之。成襄以來。楚繼之。昭定以來。吳繼之。此說是。

十二諸侯。○魯都曲阜。祥符改為仙源。○齊晉秦俱見前楚見後

○宋都商丘。宋更名曰睢陽。正義曰。今宋州宋城縣也。今為歸

德府。○衛都朝歌。即汲都。今衛輝府淇縣。伯厚云。朝歌故城在

衛州衛縣西二十二里。衛縣今省入滑州黎陽。戴公廬於曹。即

滑州白馬是也。齊桓城楚丘。而居文公焉。今開州境。成公遷濮

陽。元君徙野王。今懷慶府河內縣。○陳都宛丘。今陳州治。漢潁

川地也。○蔡本畿內地采邑。蔡仲改封汝南。平侯徙新蔡。昭侯

徙州來。以州來為下蔡。汝南為上蔡。今壽春縣。智按潁州潁上

縣。梁名下蔡。壽州之鄉有下蔡。乃漢縣也。今有下蔡鎮。○曹都

曹。今定陶縣。○鄭桓公友初封鄭。故城在華州鄭縣西北三里。或公取虢鄆十邑之地居之。即鄭州新鄭縣。今時為開封府禹州新鄭縣。禹州秦陽翟地。新鄭古鄆國。鄭州滎陽。古東虢國。即秦置敖倉之滎陽也。○燕見後。○吳都吳。正義曰太伯居梅里。今無錫。至十九世壽夢居之。都勾吳。諸樊徙吳。至光使子齊築閶閭城。今蘇州也。○越都會稽。今紹興。

六國。○趙自晉獻賜趙夙耿。注今河中龍門縣東南。後名為蒲州。趙襄居原。今屬孟縣。簡子居晉陽。獻侯治中牟。索隱曰在河北。非鄭之中牟。敬侯元季。始都邯鄲。即磁州縣。智按磁州。今屬彰德府。而廣平府邯鄲縣。正古趙都。蓋地近。今分屬兩省耳。○

魏自晉獻封畢萬魏。城在陝州芮城縣五里。漢河北縣。輿地廣記。河中府永樂縣。古魏國。智按平陽府平陸縣。是漢河北縣地。而芮城縣正與平陸接壤。河中即蒲州。古今分屬異耳。悼子徙治霍。今平陽府霍州。魏絳徙安邑。即禹都。惠王三十一季徙大梁。今開封。○韓成子。封於韓原。今韓城縣。宣子徙居懷州武德縣。今為河內縣。貞子徙平陽。哀侯滅鄭。徙都鄭。今新鄭縣。戰國策謂韓惠王曰鄭惠。○齊田和都臨淄。即太公之營丘。齊詩曰子之營兮。○楚熊繹當周成王時。封居丹陽。徐廣曰在南郡枝江。括地志歸州巴東縣東南四里。南郡。今荊州府也。文王都郢。今荊州。括地志在江陵縣東北六里。昭王徙都。即襄州樂鄉縣。

後省八宜城。今襄陽府楚復還郢。襄王時秦拔郢。保於陳城。今陳州。考烈王徙壽春。命曰郢。○蕩。或王封呂公於蕩。都薊。太史公世家。以姑姓之蕩。仲父。伐周惠王者。為北蕩。誤矣。括地志。蕩山。在幽州。漢陽縣東南六十里。今薊州也。即此時京城。西漢末諸國。○赤眉樊崇。大盆子于長安。○彭寵據漢陽。○王郎帝邯鄲。○劉永據睢陽。○盧芳據安定。今平涼涇州。○隗囂據天水。今秦州。○秦豐據黎丘。今襄陽宜城縣黎丘城。○張步據臨菑。○董憲據東海。今海州。○李憲據廬江。今廬州。○公孫述據成都。燮曰。外有鍾。或侯劉望起汝南。龐萌稱東平王。與董憲連。述將延岑據汝寧。田戎據翼江。

晉十六國。○晉載記。劉淵以惠帝永興元年。據離石。即石州。智按。即汾州府永寧州。寧鄉縣臨縣。俱離石地也。稱漢。都蒲子。今隰州。稱帝。徙平陽。劉曜徙長安。號趙。○李雄以永興元年。稱帝。都成都。號成。壽改為漢。○後九年。石勒據襄國。今順德府邢臺縣。謂後趙。石虎據鄴。○張軌先據河西。姑臧。即涼州。今鎮番地。是歲。石勒後三十六年也。重華自稱涼王。據敦煌。即沙州。曰前涼。近時猶有沙州衛。已棄敦煌。畫嘉峪關為界。○後一季。冉閔據鄴。稱魏。○後一季。苻堅據長安。稱秦。○慕容廆居棘城。棘城在營州城東南一百七十里。稱燕。是歲。苻堅後一季也。僞始僭號。蓋號以咸康三年。即燕王伋。築龍城。改柳城為龍城縣。七季

都之號新宮曰和龍。通典營州柳城縣有和龍城。通志卽大遼之黃龍府也。田疇引魏或上徐無山。出盧龍口。越白檀之險。歷平岡。登白狼堆。至柳城。勝鳥丸是也。○後三十季。後魏慕容垂據鄴。都中山。春秋白狄。古鮮虞地。漢盧奴縣。其新樂縣。漢新市縣。秦趙郡。鉅鹿二郡地。高帝置常山中山。卽今真定府定州。○後秦姚萇據長安。○後二季。西魏慕容冲據阿房。○是歲乞伏國仁據枹罕。今河州。稱秦。通典曰都苑川。在蘭州五泉縣。後曰子城縣。北史築勇士城。都之。乾歸遷金城。近時設蘭州衛於金城。乞伏是曰西秦。○後一季慕容永據上黨。稱帝于長子。○是歲呂光據姑臧。稱涼。謂之後涼。近時於姑臧地置鎮番衛。○後十二季慕容德據滑臺。今滑縣。稱南燕。都廣固。曹嶷所築。乃青州益都縣西四里。晉志苻朗以州降。以辟閭彬爲刺史。爲德所滅。玄文說劉裕曰。石虎塞五龍口。而曹嶷降。慕容恪又塞之。而段龕降。裕又塞之。而超擒。通志宋青州治廣固。則正今之府治也。今廣輿記并不載廣固之名。而蘇刻通鑑卷首國都。且以廣固爲陝西成固縣矣。○是歲秃髮烏孤據廉川。今秦州上邽縣西南。隆安元季稱西平王。曰南涼。烏孤更稱成成王。後三歲徙于樂都。通典鄯州湟水縣。一名樂都。又云烏孤都廣成。張駿置廣成郡。蘭州廣成縣也。唐更名金城縣。明乃設蘭州衛於金城。○段業據張掖。稱北涼。明朝設甘州五衛于張掖地。○後三季

李暉據敦煌。稱西涼。遷酒泉。此時爲肅州衛。○後一季沮渠蒙遜殺段業。都張掖。遷姑臧。總謂北涼。○後四季譙縱據蜀。稱成都王。○後二季赫連勃勃據朔方。都統萬。稱大夏。今寧夏。○後二季馮跋據和龍。稱北燕。爲戰國者一百三十六載。和龍卽柳城。燮曰冉閔慕容冲譙縱。季數短促不在十六國之數。

隋末諸國。○鄭王世充據東都。卽河南府。○魏李密據鞏。在河南府屬縣。○梁蕭銑據江陵。○夏竇建德據樂壽。卽瀛州縣。今河間。遷洛州。今廣平。○蕹高開道據澳陽。○梁梁師都據朔方。卽寧夏。○涼李軌據成威。○秦薛舉據金城。卽蘭州。○永樂李子和據榆林。○定楊劉成周據馬邑。爲定楊可汗。○漢東劉黑

闔據洛州。○吳李子通據江都。○吳杜伏威據歷陽。卽和州。○梁沈法興起吳興。今安吉州。○宋輔公祐據丹陽。卽陳故宮都之。今鎮江府。○楚朱粲據南陽。今鄧州。○元興操師乞據豫章。○楚士林弘據虔州。今贛州。○魯徐圓朗據兗州。燮曰其時宇文化及據江都。稱許。楊士林據成昌。稱楚。汪華據歙。稱吳。王須拔據上谷。稱蕹。羅藝據涿。稱蕹。劉季真據離石。今汾州屬縣地。稱劉王。邵江海稱新平王。俱在十三季內。

後五代十國。○吳楊行密都廣陵。○唐李昇後稱江南。都金陵。遷豫章。復都金陵。○前蜀王建成都。○後蜀孟知祥。○吳越錢鏐。錢塘。○閩王審知福州。○漢劉隱廣州。○楚馬殷潭州。今長

沙。○荆南高季興南平。卽江陵。○北漢劉旻。五代史曰東漢太原。○後王延政以建州稱殷。卽閩也。以梁初論之。天下爲十一國。劉道原曾作十國紀季。或曰西岐李茂貞李從曠。北漢劉仁恭劉守光。晉李克用。楚之後復分。或陵周行逢。雖皆稱王帝。不列十國之數。

地輿 釋地

地重言其地貴重也。○貨殖傳汧雍地重。重爲邪。索隱曰地重言重于耕稼也。陳明卿曰非也。蓋言土厚耳。智謂言關中之地近天子。多公卿富厚貴重也。下文秦文孝繆居雍。隙隴蜀之貨物而多賈。舊以隙爲句。非也。當以隙屬下爲句。言開隙于隴蜀之間也。

大泉瀑布也。亦謂之泄。○莊子縣水三十仞。班固終南山賦。傍吐飛瀨。上挺修林。大泉落落。密陽沉沉。韓愈詩縣瀑垂天紳。孟郊詩簷溜擲天紳。蘇軾詩餘波猶足挂天紳。縣水大泉天紳。皆指瀑布。浙江合浦陽江。逕諸暨與洩溪合。有三洩。陸游會稽志言諸暨泄溪。造雲壁。犬上洩高二百餘丈。土人號瀑爲泄爾。輿地志作五泄溪。水經注言縣河雷抃。湍注潏盪。散氛霧合。樊宗師絳守園地記。言水腔瀑三丈。洄漣皆狀瀑語。

夷庚平路。一曰徃來要道也。○左傳以塞夷庚。繁欽辨惑。吳人以舟楫爲輿馬。巨海爲夷庚。陸機辨亡。旋皇輿于夷庚。詩序曰

由庚萬物得由其道是以庚為道也。

趵突即瀑流也。○張邦基曰濟南為羆在歷山之陰水泉清冷。

凡三十餘所舜泉爆流金線真珠洗鉢孝感玉環之類皆奇李

格非字文叔嘗為歷下水記敘述甚詳曾子固作詩以瀑流為趵

突未知孰是今濟南府志則載趵突泉矣此爾雅之灑大出尾

下也疏曰汾陰有水口如車輪曰灑魁又馮翊郃陽有一灑夾

河又一灑皆潛通郃陽今同州西陽襍俎有大極泉蓋神灑蓋

漿之類列子所云甌甌有水曰滋穴神灑也升菴言蜀有七灑

盆灑灑起也。○陳忠諫伯崇往來井陵疏曰隔并屢臻海水盆

溢注盆與溢去聲同。溝洫志曰河水溢溢蓋滿起貌晉志水滂盆

溢此因盆用盆耳相如盆入曾宮之差我唐儒學傳全集京師

莊子隱空皆謂滿起也溢又作噎當與灑歎通

水疾崖傾曰礧灘磧相湊曰林。○升菴曰四川有閻王礧燕子

礧水疾崖傾曰礧灘磧相湊曰林林音子今有石危子折危子

又云大小巫湖曰二巫外智裏智曰兩智按林乃孫氏妄大之

音不必以此文蜀之鄉語子也。搗謙敬甫皆以林為古流字子

才以林為古委字。

水溪瀨中謂之究。○竺枝扶南記山溪瀨中謂之究水經注曰

九真郡九德浦逕越裳究九德究南陵究進得橫山度比景廟

橫山即今南寧府之橫州也。

通雅 卷之十一 五 汾山此病車
合口水洗謂之渙。汾盪者謂之洪。○衡漳會雩池。謂之合口。又分二川。當其水洗處。名之曰李聰渙。曰洪者。如雞翹洪。呂梁洪之類是也。

水合闊溢謂之澇。○樂成陵縣北衡漳。逕弓高縣。合柏梁澇。如沔北有下澇成。皆岐水合。若杜工部用澇澇。則自以意用也。又作汭。地名雁汭。韓文曹成正碑行趾川汭。遼有三岔。即汭又河去聲嘉靖雷禮修盧溝河。今岔河水歸故道。

淀。浸之潏。淡。淺水也。○音殿。魏都賦掘鯉之淀。注在河間。如淵而淺也。今北方傍水艸之地。皆謂之淀。倪鴻寶領司徒會議諸淀。欲堤之以爲屯田。水經注范陽城西易水鹽亭陂。通梁門淀。又清淀。水發西淀。轉注畧。史記淩河涇水放之海。前西域傳其水亭居。考工記奠水。皆一字。則卽淀字矣。涇淀之音奠。猶廷轉音定。又轉爲殿也。

湖。淀之波漾者曰澱。○水經注易水又東。渥水注之。謂之大渥澱。小渥澱。又渥水會博水。逕陽城縣。散爲澤渚。爲疊舸折芟之所。曰陽城澱。益昌有濩澱。今松江府有薛殿湖。

塵垢。或作塚。坳。塿。堞。堞。通作蓬塊。其曰跋跌。言塵埜也。○存中曰。博物志曰。徐州人謂塵土爲蓬塊。吳人謂之跋跌。韻輯轉注曰。莊子塵垢。崔本作塚。坳。塚音塿。齊謂風塵曰塿。堞。宋玉用坳。堞亦塵塊也。九懷曰。霾土忽兮。塵塵音枚。集韻作塿。古詩云。跋跋

紅塵下。則馬踐塵起也。博雅注。塵。塵。即煙煤。呂覽。煤室入甑中。
注。煤室。烟塵之煤也。

鬱棲。糞壤也。董塊。粘土也。○至樂篇。陵。烏得鬱棲。則為烏足。宋
碧虛子。陳景元注曰。鬱。栖。糞。壤也。烏足。俗呼墨艸。烏髭。方用之。

劉守光圍滄州城。城中食董塊。董塊。粘土也。

埠頭。水類也。○說文類。從步。故水邊亦謂之步。青箱襍記曰。退

之羅池碑。言步有新船。或以步為涉。非也。智按。任昉曰。上虞有

石駝步。吳江中有魚步。龜步。湘中有靈妃步。昉按。吳楚間謂浦

為步。則非特唐有此音矣。後人遂作埠。音步北方曰務。如宋趙彥

衛雲麓漫抄。東京至女真。御寨行程。有薊州永濟務。遼河梁虞

務。今通州有河西務。東昌府有李開務。元至正六年。盜扼李開

務。聞河。今積販泊商之所曰埠頭。刻日交市。北方曰集。南方曰

墟。

水畔曰泚。猶澹也。○廣韻有泚。音畔。唐書王維傳。有芙蓉泚。片

為木之半。故得音。

京。古原字。○檀弓。晉獻文子曰。成也。全要領。以從先夫子于九

京也。智按。古京字。篆作京。周禮。邊師。大篆也。爾雅。高平曰原。通

用則九原。猶九地也。漢九原郡。改五原。絳州九原山。如洛北邙。

晉都絳。故文子觀而嘆之。俗不知京為古原。凡用兩京。書作兩

京。及用九原。書作九京矣。直翁反云。檀弓誤。胡元瑞筆叢。猶用

九京。以從無人言及耳。原又與阮通。見後。

江督。猶言江心也。○水經注曰。若水至夔道縣。又謂曰馬湖江。繩水瀘水孫水淹水大渡水。皆合焉。縣人隗叔通。為母汲江督水。天為出平石至江督中。今謂之孝子石。應璩引此以為江裔水。

窳。塞外道也。○陸贄關中事狀。倘有賊臣蹈窳。注音萃。塞外道也。此字別無所本。敬輿條奏。何為用奇字。必當時語也。古文尚書作窳。三苗。說文窳。塞也。虞書曰窳。三苗。粗最切。則是窳字。亦音萃乎。說文穴部復有窳字。七亂切。此何解乎。蓋因俗文而附入之耳。

瀧。灘也。○嶺南急流謂之瀧。韶州樂昌有瀧水。音霜。歐陽公有瀧阡。嚴陵七里灘。亦曰瀧。葉少蘊曰。土人謂瀧為籠。初至為入瀧。既盡為出瀧。

大湊。為四方所輻輳也。則土言法也。○作維篇第四十八。周公俘殷獻民。遷于九里。俾康叔宇于殷。俾中旄父宇於東。乃作大邑成。周于土中。城方千七百二十丈。郭方七百里。南繫于洛水。北因于郊山。以為天下之大湊。制郊甸方六百里。周西土為方千里。分以百縣。縣有四郡。設丘兆。建大社于國中。其壤東青土。南赤西白北驪。中央黃。將建諸侯。鑿取其方一亩之土。苞以黃土。苴以白茅。以為土封。故曰受則土于周室。乃大五宮。大廟。宗

宮考宮路寢明堂咸有四阿反坫重亢重郎常累復格藻梲設
移旅楹燹常画內階文階堤唐山廡應門庫臺元闈

水拖猶堰也○晉文元九年謝玄於呂梁遣督護聞人奭用功
九萬擁水大七拖以利運漕水經注泗水之上有石梁今名呂

梁洪在徐州彭城東五十七里宋景公彎弧東射矢集彭城之
東欽羽于石梁陳吳明徹以舟師北破下邳進屯呂梁堰泗水

灌徐州是也

石的石壁之最著者也○水經注滎陽陽城鄉李勝祠廡前有

石蹠蹠上有石的箋云石的疑作石碣非也智謂石的乃謂壁

大著明如射侯之的也會稽記有射的山山有石壁方二丈

注淺水也○水經注斥漳縣水入青洹故瀆水舊斷溪東北

出涓流滯注而已玉篇曰滯莫歷切水也

琴城冢也○水經注楚人謂冢為琴六安縣都陂中有大冢民

曰公琴即皋陶冢也銅陽縣有葛陵城有楚成王家民謂之瑟

城箋曰瑟當作琴

鹽鹵澤也○水經注膠水北歷土山山悉鹽坑箋云坑當作

鹵按玉篇音亢云鹽澤也北史楊義臣以遼東還兵入豆子鹵

討賊譌作鹵省作坑耳存中言堯梢水乃解澤之濁水敗鹽者

也

町疇田閒道也○毛萇因町疇鹿場則訓町疇為鹿跡許慎亦

曰町疇禽獸所踐處可謂泥矣。町田閒道曰町疇。蓋言其蕩蕩也。左傳町原防井衍沃。干寶注平川可井者井之原阜不可井者則町之町小頃也。張衡賦編町成篁。注謂畎畝莊子舜舉于童土之地。注童土疇也。如山無草木曰童。伊川曰廬旁隴畦也。征夫久不歸。町疇之地踐為鹿場。非謂町疇即鹿場也。集韻作埵。暖黷。公紹依說文疇土短切。今山東方言以路平行。便為町疇。讀如汀湯。江北則呼為汀湯。白子皮為余言之。

解果猶蟹螺也。壑慳言狹而果也。○升菴以解果壑慳蟹螺為一。引荀子解果其冠。魏都賦風俗以壑慳為媿。說苑淳于髡言祠田蟹螺者宜禾。汚邪者百車。蟹螺高地也。今作偃樓。智按今作甌窶。史記甌窶注猶培塿也。左傳部婁無松柏。荀子注引說苑蟹螺宜禾。言蟹螺之背微高。韻補引史記注裴側之地猶培側也。以培塿言冠。言冠之狀。中高而旁擗耳。則解果當音蟹裸。若左思之用壑慳為媿。智見媿一作媿。壑又作儻狹也。儻猶揚雄質籛之籛隘也。唐韻有慳。蒼頡篇果敢作慳敢。則左思之用壑慳。蓋言風俗以隘狹果敢為快也。媿古音壞。與快近也。音義全與解果蟹螺不同。劉子玄史通曰。蒼梧人風媿劃地。李歆瘴。正用壑慳為媿。而作媿劃。唐人好造如此。

沈澤猶沈斥也。淙淙正言菜洲沮洳也。○陳無功引傳曰。沉者莽也。沉澤言澤無水。如斥鹵之類也。智見風俗通山澤篇有沈

有沛。升菴引之。猶漢書言沈斥也。又按公紹列二沛。引一爲地名。一爲水草。王制沮澤。注沮謂菜沛。草所生日菜。水所生日沛。公羊傳。草棘曰沛。崔駰達旨。蟲蚋之趣大沛。子謙合之。說文本無二沛。但作汎。普蓋切。而又有淙汎之訓。玉篇波兒。箋曰汎從汎省。

山脅。今之衝坂也。○說文坡者曰坂。一曰澤漳。一曰山脅。韓信竝山。謂傍山脅也。今山衝小坂是也。

朝夕池。海名。言潮汐也。○枚乘傳朝夕池。潮有朝夕之期。山海經朝夕池。一名天池。風俗通海爲百谷王。亦曰朝夕池。水經注平樂縣南有朝夕塘。一日再增再減。同于潮汐。潮汐詳質測。

尾閭。歸墟也。○荀子渤海東有大壑。其下無底。名曰歸墟。八紘九野之水。天漢之流。莫不注之。而無增無減。一名歸塘。卽莊子所謂尾閭者也。智曰地中多竅。水吸則物隨之。弱水不載。必下有氣吸收。黃河乍清。或水物吸收耳。總歸氣論。各海氣歸各處之峰頂。此何疑乎。

土有大土。橫土。土穴謂之窟戶。○說文窟。或永切。北地謂地空。又曰北方謂土穴爲窟戶。陳後山曰。潁中田理有大土。不可稻。何子元言山陝閒穴居。亦言有大土。橫土可居。又言有土界。水界之說。唐僧泓告張說。土界水界。有龍守之。空鑄鐵牛。以防二龍。又空埋玉埋硫。此說雖不可知。而葬家從未言及。或曰玉

之能和百神。固未可知。而疏性則可辟蟲蟻。絕水脈。

容突。卽凹凸坵。○終南太乙云。容突出蒼頡篇。新都曰卽凹

凸。陳懋仁曰。經史直音。容音渴。合也。突音亦。穴也。智謂字書臆

解。支遁云。地有坵坵。周伯溫取坵坵。反以凹凸古字爲俗。神異

經。大荒石湖無凹凸。畫記一乘寺。各凹凸寺。

魁父。猶塊附也。○周語高山廣川大藪。幽王蕩以爲魁陵。糞土

溝瀆。京山曰魁陵。卽丘陵。趙簡子夢帝謂羸將大敗于范魁之

西。范魁卽范丘。又言列子魁父。卽丘阜。梁父卽梁阜。智按列子

曰。以子之力。不能損魁父之丘。魁丘竝用。自非可通。謂爲塊附

之丘。猶可。蓋培塿一作附婁。魁然卽塊然。曰不注。曰不其。謂如

花事。故培塿有不音夫音。與不字可音否。又可音夫。正同。

鴛田。遠莊寄業也。駱田架田。卽葑田也。○王伯淮奏議曰。交鄉

鴛佃。謝華啓秀。以封水嶼山對之。嶼山。見南宋西陽王子尚奏。

嶼音戲。在末韻。卽徐文長所謂嶼爐。謂藉芴也。見農時條。說文

鴛。鴛窞深也。多嘯切。子謙遺之。今方言卽以隔遠爲鴛遠。新都

又言葑田。音去聲。元瑞駁之。據鬪駟十三州志云。百粵有駱田。

王氏農書。架田卽葑田。駱亦音架。交趾有架田。此何能駁邪。元

美言。吳有門曰葑廣。湖邊田。今呼爲葑。江賊所指卽此。

句廉。岸曲之稜也。○趙充國傳。辛武賢擊罕羌。入鮮水北。句廉

上。服虔句音鉤。師古曰句廉。謂水岸曲有廉稜也。韻會引說文

廉仄也。徐曰廉稜也。今說文不載徐說。而徐解正合。按喪大記。卽伏于堂廉楹。鄉飲酒設席于堂廉東上。注皆謂側邊廉稜也。稜卽廉之轉聲而閉口也。屋稜曰檐。斥稜曰廕。壁危曰咄。皆廉稜之聲。

息壤。全土也。○鯀竊帝之息壤。以堙鴻水。羅泌路史云。息生之土。長而不窮。漢時臨滌地涌六里。又無鹽危山土起。唐江陵南門地隆起如伏牛馬。去之輒復。又柳子所言。永州龍興寺地。如負甕起。皆為息壤。莊子隱全。亦謂弁起也。顧遜園曰。王襄敏公廳事。有土墳起。古息壤也。智以息壤是理。竊帝者。奇其字法耳。萊蕪之石自大漢昭帝時資州之石上坡獨異記寶曆元年臨平之湖自開。

錢塘記歷陽由拳自陷。歷陽陷見神異傳何獨于息壤而疑之。詳見質測。

九有。猶九囿也。○外記曰。人皇居中州。以制八輔。此引春秋命歷敘文也。古稱九有。有與囿通。都為中囿。八輔則餘八囿也。故本清以八索為八澤。舊說八索。八卦也。

通雅卷之十七終

通雅卷之十八

桐山方以智密之輯著

同里姚文燮經三較訂

身體

鼻祖先生任督消息之自也。○胚具命門。生鼻隧為小環而漸長成形。即為任督二脈之宗隧。脈生脾肝肺心。生其勝已者。心生小腸大腸膽胃膀胱三焦。生其已勝者。謂之鼻祖。言氣息也。將寐則目不用。已而耳不用。鼻息則寤寐一如。耳目橫而鼻中直。鼻從自。昇聲。篆象鼻。即鼻。天昇也。以二孔相代錯。生息而消息也。自心之籥也。膺音宜。信也。任。任其下。督。督其上。

焦泌。三焦泌汁于三隧也。營衛歸宗。而呼吸晝夜為脈會。人身之天地也。○受天地之中以生。中未易言。姑以身而物之。頂圓額音孩方。天地定位也。鼻岳口崩。山澤通氣也。眼外耀而舌下津。水火不相射也。喉出響而耳收聲。雷風相薄也。臟腑應運氣。十二經應時。半舉之六爻也。骨節三百六十五。周天也。宗氣搏而積于膻中。行上焦呼吸為一隧。中焦泌音必水穀之精氣。注肺應刻數。化血榮四末。行經脈中曰榮隧。行分肉之間。下焦別迴腸。濟泌滲膀胱曰衛隧。太陰肺主內。太陽胸主外。而平日會于寸口。子午用卯酉。帝出夏時。非其徵邪。任督叶之。晝夜五十營。行八百一十丈。為萬二千五百息。石齋先生疑與易策異。智叢窮之。

蓋洛書之數也。六十四日大周。為八十六萬四千息。而具策會矣。

五倉。五藏也。六腑納輸。而臟本藏也。○谷永諫成帝。化色五倉之術。左道欺罔。李奇曰。思身中有五色。五倉神。則不飢不死。今醫言倒倉。其遺也。子雲夢五藏墮地內。經脾為孤藏。藝文志五藏六府。後加艸肉作臟。臟陰。通于氣。喉。腑陽。通于食。咽。人身惟此二道。

魂魄亦稱營魄。精神氣化也。○老子載營魄抱一。京山曰。卽魂魄。焦氏翼。訓營為魂。太玄告魂。魂萬物動而營冲。智按古讀魂為云。以韻解義。故曰魂。營營也。孝經說魂。芸也。白虎通魂者。云

也。又按薛君章句。聊樂我員。作魂。則魂音云明矣。鬱儀作魂魄。晶神。鄭作精神。精由情生。神申于天。易曰精氣爲物。游魂爲變。祭義曰神者氣之盛也。魄者鬼之盛也。子產曰。既生魄。陽曰魂。書曰。徂魂升。落魄降。關尹曰。精神水火也。精無人。神無我。神動名意。意動名魂。凡造化所妙。皆吾魄。醫言腎藏精爲命。心藏神爲性。子瞻曰。志勝氣爲魂。氣勝志爲魄。黃勉齋曰。精之神曰魄。氣之神曰魂。愚者曰氣。古氣字。氣乃餽也。因氣化而形化。聖人重在理化。理與心來。知則能用心之精神。是謂聖。泯則本泯也。心之精必親已而疎物。心之神必用外以爲內。精神皆氣也。精凝氣而神。神則統精氣。性命一陰陽也。然有轉陰

陽。傳精神。盡性命者。可茫然邪。聖人合內外形。神虛實而明其中之理。故善用其神化。不則且爲精神性命陰陽所惑。

戴干。豐上也。○面額高滿曰戴干。乾鑿度云。秦表戴干。鄭氏注云。表者人形。干。盾也。隋書王劭言。上有龍顏戴干之表。禪師有豐干。因貌以爲號。仲任言顛頂戴午。恐是戴干之訛。然子才昭明敬甫皆謂古午作干。或取此邪。

大宅。面王也。○內經言面王。面部也。黃庭經曰。靈宅旣清。玉帝遊。梁丘子注曰。面爲靈宅。一名大宅。大洞經曰。面爲尺宅。或作赤澤。七發曰。滿于大宅。秦之揣枚乘在漢。已見道書。而李善等不詳所出。

輔銘言輔頰與顛也。○爾雅目上為名。荷嗟名兮。注曰為可名也。支矣。升菴云玉篇引此句作顛。眉目之間也。智按大玄輔銘滅麋言陷及頰顛以沒眉。猶易涉滅頂也。西京賦昭藐流眄。注略。眉睫之間也。不知引爾雅目上為名。郝氏亦未收西京之略。滅麋即滅眉。古通也。荀子須麋即須眉。孟康曰眉上為衡。陳崇奏莽功德曰。盱衡振色。續博物志曰。楊雄謂揚眉曰揚衡。梓師注。仲師曰衡。麋衡也。即謂眉衡。今謂眉顛。向日曰龐。或敏。拇文也。○詩履帝或敏。爾雅注。拇迹也。或與無曼莫毛通。轉而岷汶砥砭通用。故知或為拇。敏為文。蓋謂足拇之迹文也。禮布或謂步也。詔侑或方。即無方。呂覽出桴瓦缶。或樂從之。謂

匪噪也。可推古之聲通。

腹尺言腹肥也。○三國志趙稚長有腹尺。故正平笑之。後人或稱腹負。因東坡腹負將軍語。或云是黨進。

柏耳。迫耳也。○北史許公宇文述素好著奇。雲定興曰。入內耳冷。乃製挾頭巾。令深柏耳。人學之。名為許公栢勢。按栢與迫通。瓠子歌栢冬日。漢高曰栢人者。迫于人也。

八彩謂八眉。其跳。踣跳也。參漏。滲漏也。此脇。即駢脇。末僂謂背僂也。○尚書大傳曰。堯八眉。舜四瞳子。禹其跳。湯扁。文王四乳。八者如八字也。其跳者踣也。扁者枯也。淮南言禹耳參漏。謂滲漏今之漏耳。論衡遂曰三漏。荀子言仲尼蒙俱。如蒙魃頭也。傳

說如植鱗。言乾瘦也。論衡言重耳。張儀化脇。周公背僂。皋陶馬口。孔子反羽。謂反唇也。莊子曰老萊子之弟。遇仲尼曰。修上而趨下。末僂而後耳。末僂。謂背在後為末也。史記注言老子耳有三門。謂耳門三曲也。管子曰。子產日角。晏平仲月角。尾生犀角。柳下惠史魚反角。角者額也。日言滿。月言闕。犀謂直骨隱起。犀角在中也。反謂拘骨也。方言倚畸。奇也。體不具。謂之畸。傳曰。畸閭而語。淮南曰。男女切畸。皆奇足邪倚。管子必有管屬趾畸。猶今之言踣也。後人用箕踞。卽其跳之畸也。古作𠂔。卽箕字。借為語詞。舊注其跳之。其為助語者非。

差肩。猶比肩也。肩迫。猶駕肩也。○阮籍莊論曰。關鑑整飭。推季躡躡。差肩而坐。猶豫相林。差肩言駢集層次。相林猶言相視如林。此嗣宗字法也。田儋傳併肩而事主。師古曰。併音步。鼎反。嚴大子哀時命曰。衆比肩以肩迫兮。兼城賊言駕肩。狀濟濟也。肩迫則猶有競進之意。

曾撓。猶曾波也。○招魂曰。娛光眇視。目曾波些。曾重也。摹寫娛咲輕眇。回波層折之態。已極致矣。大招用曾頰。注南修務訓。流眇曾撓。正謂眇視若咲也。

肺腑。或作柿附。肺附。肺附。○史記成安傳。蚡以肺附為京師相。注如肺肝相附著。季表諸侯子弟若肺腑。注作柿附。如札柿之附木。太玄親首。肺附乾餼。注肺削也。柿附木。如肺附肝中。

通雅 卷之十八
山王靖傳。得蒙肺附。劉何封事。臣幸託肺附。又後漢盧芳傳。以肺附之故。赦臣芳罪。按當以肺附爲正。諸借音。或形近而通用。注者不知源流。各爲曲說。說文臚。金藏也。芳。吠切。皇。食所遺也。从肉。仕聲。易曰。噬乾食。阻。史切。揚雄說。食作肱。楷別之作肺。故形近。肱而亂也。腐爛也。扶。雨切。藏。府作臟腑。則肉在旁。在下。何別乎。故作附。國策。汗明曰。尾湛附。漬是也。

秃。榻。謂秃髻也。○明堂位。注。齊人謂無髮爲秃。榻。丁。度作秃髻。亦作髮。博雅。廣韻作秃鬣。音丘。入切。梓人。顧注。鄭司農云。讀如鬣。頭之鬣。疏曰。今以無髮爲鬣。田。畊曰。其一秃翁。足以大指爲將。手以中指爲將。小指爲季指。漢以食指爲噤。鹽

指。○闔廬傷將指。注。足大指也。宣。四。季。注。疏。五指。巨指。食指。將指。無名指。小指。定。十。四。季。注。則。明。手。以。中。指。爲。將。矣。儀禮。少。牢。饋。食。禮。詩。懷。之。掛。于。季。指。注。詩。猶。承。也。季。猶。小。也。服。虔。曰。食。指。俗。所。謂。噤。鹽。指。也。故。知。是。漢。語。康。成。注。儀。禮。飯。大。擘。指。本。也。姚。文。燮。曰。唐。皇。甫。松。以。蹲。鴟。釣。戟。玉。柱。潛。虬。奇。兵。爲。五。指。名。

欲。突。自。戀。其。軀。也。○淮。南。子。原。道。訓。曰。欲。突。之。心。亡。于。中。則。饑。虎。可。尾。注。突。古。肉。字。太。玄。數。五。五。爲。土。爲。食。爲。突。古。樂。苑。載。吳。越。春。秋。古。孝。子。彈。歌。曰。斷。竹。續。竹。飛。土。逐。突。但。从。宀。从。六。或。古。籀。之。形。訛。邪。諸。書。不。收。惟。孫。恂。收。之。以。爲。俗。作。突。顏。元。孫。亦。曰。突。俗。肉。字。推。論。寅。从。宀。當。古。有。肉。字。訛。爲。突。

通雅 卷之十八 六 江山止痛車
眇中。俠季脅兩旁。虛與處也。○素問曰。冬脈不及。令人眇中清。
王冰注云。眇在季脇下。俠脇兩旁。虛軟處。腎外當眇。今唐韻韻
會字彙。日月燈。皆遺眇字。當音渺。

撓。言屈體也。○荀子曰。屈要撓。古獲切。郝後曲節中也。王
冰曰。肘後肉如塊。謂之脰。後人因謂脰卽脰。非也。脰渠隕切。
素問曰。脫肉破脰。或曰腹中胎也。智謂脰當音肫。謂腹中之積
聚。成形塊膜也。

媯妍。言憔悴而妍也。○李夫人傳媯妍。注瘦曰媯。冥媯音媯。言
以瘦而美也。

頤。折頤。頤卽頤也。○子雲解嘲。言蔡澤以噤吟而笑。唐舉注
頤頤之貌。又曰蔡澤頤頤折頤。說文頤。低頭也。五感切。左傳迎
于門者。頤之而已。頤。頤也。頤。頤也。頤。向黃也。元感切。按
頤是班超。葵頤。楚詞頤頤之頤。而今左傳作頤之。何與頤混。集
韻又作胎。胎。若諸字爲重文。何故又互訓邪。必後人各附矣。孫
恂。頤又音欽。或作頤。周熒傳用欽。頤。蹙頤。亦此音直書也。則頤
與頤訛邪。抑侵覃通邪。鄺氏謂噤吟卽頤。頤之訛。初學記蔡澤
欽頤。乃欽之訛。

耽耳。卽儋耳。○淮南曰。耽耳在其北方。注耳垂肩。上漢南海有
儋耳郡。注作瞻大耳。說文。曼無輪廓曰聃。老聃以此名。子長
疑太史儋卽老聃。則儋瞻聃一字。今儋州卽儋耳。好戴椹帽。如

太笑其屠蘇障日覆兩耳之意乎。淮南在北方。或訛舉。或同名乎。互詳方域離耳。

匾匾蹙髑。鼻莖也。○蔡澤鼻鼻雕顏。蹙髑膝攣。即孟子之蹙頰也。髑又作顛。烏曷切。法華經鼻不匾匾。謂蹙也。周燮傳澤歛頤蹙頰。注頰鼻莖也。

髑髑本作結括。髮髑本于婀娜。通髮言蓬首也。○髮髑上即果切。下吐火切。髑髮鬆慢貌。髑髮髑皆後人所加。古但作結括。說文有髑。士冠禮曰。將冠者采衣紛。注曰古文為結髑。音計括。括或通作會。莊子會撮指天是也。鬆亦作髑。髑本為髮。隋記曰子生三月之末。剪髮為髑。男角女髑。否則男左女右。鄭氏曰夾凶

曰角。午逢曰髑。李陽冰本曰墮也。隋削肉也。蓋因夾凶之髮為角。偏存為髑。詩髑彼兩髦。注象幼時髑。親沒不髦。古有倚儺阿那之語。因有婀娜。髮髑。列子有擇矮媠者。左克明樂府讀曲歌。通髮不可料。通髮髮散亂也。首如飛蓬。託怨之詞也。頭如蓬葆。則苦狀矣。孫壽作墮馬髑。後人因為拋墮。宋元嘉時作飛天紛。始自東府。近世作蓬頭。即飛天之意。古讀結如髑。李陵椎結。注音髑。又謂之紐。小顏注急就曰紐。謂結之髑也。髑即髑字。

蹠踣即徒踣。○說文踣。音拘。天寒足踣也。鄭氏以徒踣音勾。跳也。史張儀曰虎賁之士。蹠踣科頭。裴駟曰跳躍也。投石超距。亦跳越也。集韻曰。偏髑一足曰蹠踣。或作徇趨。或謂是筋斗。智按是

拍張嗔拳之飛腳縣腿也。疑耀據孫吾與韻會。以筋斗當作跟頭。

眇。目蔑也。○師古曰眇謂眇覷。目之蔽垢也。眇。目背傷赤也。黃氏曰眇。目汁凝也。眇充支切。覷音塊。眇本蔑。與昧通。宋玉風賊得目為蔑。廣韻作眇。易緯作病眇。急就亦作眇。古作節。

露骨曰骼。肉腐曰髑。○說文禽獸之骨曰骼。古覈切。鳥獸殘骨曰髑。髑可惡也。明堂月令曰掩骼埋髑。資四切。或作髑。今文作埋髑。非專指禽獸骨也。釋文以露骨有肉分之。呂覽作髑。周禮庶氏註作殞。集韻作殞。聖母帖霄髑鮮妍。

鼻齶。齶而刺天。音寥。齶戴埴音寥。弔。王延壽王孫賦。鼻齶齶以齶齶。齒崖崖以齶齶。齶音割。齶音吼。齶音吸。齶音呬。又曰唇齶。

啗以齶。齶。齶音現。閔口貌。初學記。齶作齶。腕音梳。腕宜作腕。音岌。腕音覓。賜音陽。如此等字。他無所見。恐文考亦未免鉅釘耳。按欵。鼻翁氣也。欵與髒通。齶齶。即欵欵。世說許噪于丞相帳。哈臺大齶。由相如伯儼不前之語。陸法言黠驢噎噎之字。思之。則哈臺固晉人常語也。鼠璞曰。衛恒齶。王沈齶。成公綏勞曹。今之掌談。古人已用之。可知此類皆當時之方言也。

顙首。猶言頭面淨好也。○說文顙。好貌。說所詩顙首。疾正切。箋

日樂工類倡優弄人。一曰顛。俗用淨字。或疑是靚字。此詩應是逸詩。然其意可得而解也。或是詩之螭首。漢人別本作此字。

負牆負辰負劍。皆狀其背也。○禮負劍辟咎召之。注負謂置之於背。劍謂挾之於傍。永叔作瀧岡阡表云。回顧乳者。劍汝而大

於傍。升菴方稱其妙。智按負古與背通。如周公負辰。子夏負牆而大。躬躬之貌。豈謂背上堆牆乎。負劍言負者以手撫童子之

肩背。若負劍然。豈必挾之如帶劍乎。如戟手。謂交手也。亦將曰帶戟乎。

宣髮。蒜髮也。○升菴曰宣轉第二聲為蒜。今少季白髮曰蒜髮。徐文長則謂勞心計算。則髮易白曰算髮。易與寡髮。古本作宜

髮。仲師曰頭髮皓落曰宣。宣其半白乎。智疑是寡之訛。募。俞。胸與背也。○內經曰治之膽募俞。注曰胸腹曰募。背脊曰

俞。漢書西域傳。錢向錢幕。幕謂背也。倉公傳爪幕。按背穴也。亂。散。痿痺也。○枚皋傳自詆媿。亂散曲隨其事。是借亂散為委

被之意也。相如大人賦容以亂麗兮。文選崔錯發亂。類篇曰亂。歷曲也。小顏曰亂古委字。唐韻散音靡。戴氏部美切。說文骨耑

亂集也。說郭載朱昂續亂散集。作亂散誤。按晁氏志。晦翁從父朱弁。作亂散說。亂从儿。俗作儿。六書總要作亂。馬援與隗囂將

楊廣書。萎腭咋舌。即謂亂也。淡陰即痰飲。○古醫方有淡陰之疾。俗作痰飲。升菴言初月帖。

淡悶干嘔。卽痰悶乾嘔也。南齊書豫章王嶷遺命干飯檳榔。

掣縱曰瘳。手足掣縱卽筋惕肉眴也。○瘳尺世切。瘳音縱。賈

長沙用跋韞亦謂掣縱反戾也。傷寒疆急角弓反張掣縱爲瘳。

瘳一作瘳。音顛厥掣縱曰癩。小兒多有之。漢藝文志有瘳瘳方。

說文作瘳。疾从疒。依正韻可。

瘳瘳。感寒健忍之狀也。○說文曰寒病也。孟郊詩燦毛各瘳瘳。

又作瘳。參上聲。瘳所禁切。

酸痛。猶酸劑也。脛痠骨酸也。○周官春時有瘳。音消首疾。管子曰

其泉白青。其人終無瘳醒。說文曰酸痛頭痛。鄭玄曰酸劑也。瘳

音亦酸痛。素問曰痿厥膈痛。又曰脛痠卽酸。列子曰心痛體煩。

類篇曰骨酸也。合溪引說文曰死。音酸瘳也。周禮疔瘍。注亦謂

禿也。故史游曰痂死。

漂疽卽癩疽。○千金方肉中忽生點豆腫泡。逐脈入藏者死。名

曰癩疽。南人名曰羽著毒。通作漂。莊子曰漂疽痲癰。與癰。音同。

最惡者曰癩疽。左傳曰荀偃癩疽。生瘍于頭。素問曰消癩。伏

熱也。又曰癩成消中。王砮曰溼熱也。又癩虐但熱。當音單。

瘳瘳傷痕也。○諸氏榮美切。薛宣傳廷尉引傳曰。遇人不以義

而見瘳者。與瘳人之罪鈞。罪不直也。說文曰瘳。瘳瘳也。應劭曰

以丈與手毆人。剝其皮膚。青墨而無瘳痕。律謂之瘳瘳。音指。類

篇曰瘳。血腫也。呂覽齊王疾病。趙凡夫曰方書謂之翻瘳。又謂

之翻胃。強以胃作疝。大謬。

臚脹謂腹鼓脹也。○左傳晉侯將食。張即脹也。急就曰寒氣泄。注腹臚脹。臚音間。脹去聲。鼓脹也。下文又言癰疽。瘰癧。痿痺。瘵。顏籀曰瘵。四體強急。難屈申也。瘵似混脹。按碑本作瘵。瘵。瘵。古庚入陽。則瘵可讀敞。急就下文。病響讓相叶足證。說文臚。皮也。通釋曰。今人亦言皮臚。易緯云病臚。虺。

臚。臚。厚也。重躄即重臚。躄。躄。即躄。臚。○蘇弘家曰。臚。一作躄。一作躄。禹稷躄。躄。素問曰。多食酸。則肉臚。臚。音支。皮肉生臚。

不仁也。臚。臚也。莊子手足臚。臚。音躄。亦稱重躄。重臚。臚。瘵。臚也。

淮南子包胥曾臚。重臚。段熲傳士皆重臚。易林曰。臚。躄為疾。又

曰臚。臚為疾。又與此同。則躄。臚。一聲。蓋本用臚。臚。而後人因作躄。音。躄。又因躄而通乎。轉注略曰。躄。古人止字。漢隸用為足臚字。說文引躄。臚。臣鉉等曰。躄。臚。今別作躄。非。泥甚。

憑讓。憑。煩悶也。讓。大便節蘊積而利也。○此小顏注史游語。節蘊。即所謂五泄之大痕泄。謂後重也。倉公傳不得後溲。正謂類。澀。方言腹滿曰。偃。注言勅。偃也。又曰。毗。顛。憑也。此是漢人語。謂鬱鬱意。說文曰。心中滿。該。又曰。顛。實于下。徐鍇曰。顛。斥之意。顛。顛可通。毗。發語聲。故知漢人常語。晉書阮孚告溫嶠。內迫。即謂。偃也。

較。瘵。凍瘡也。龜手。拘拆也。○莊子不龜手。注。龜音均。月令書引

之音斤。此附會較字也。趙充國傳將士寒手足皸瘃。从軍音均。从夨音築。說文曰中寒腫覈。文穎曰寒創也。踰亦訓冢。向秀曰龜均拆也。司馬彪曰文拆如龜文。則不必改音矣。今或讀皸。愠羝。狐腋也。○崔令欽教坊記載范漢女。亦是竿木家。開元出內。有姿媚而微愠羝。愠羝謂腋氣。今所謂狐臭也。

瘕蠶。一作族。系疾瘕瘕癩。○戴合溪引陸德明言。左傳不疾瘕蠶。說文作瘕。或是唐蜀本。凡夫以為當作瘕癩。智按說文瘕小腫也。一曰族。系。鉉曰今作瘕蠶非是。今內經曰烝成瘕。鬱乃瘕。卽瘕蠶之病也。

手毒。手心熱者。○黃帝醫書有官能之篇曰疾毒。言語輕人者。可使唾癰。咒病。爪苦。手毒。為事善傷者。可使按積抑癰。谷得其能。其名乃彰。何子元曰。手毒可使試按龜。五十日而龜死。手甘者復生。蓋人手心有火。故能運脾助煖。有極熱者。按物易化。悻盧。言愁鬱都盧之狀也。○說苑景公畋梧丘。坐睡。夢五丈夫。北面悻盧。唐人以撮口不快為都盧。此言悻悻而都盧也。

日望陽曰望視。○見春秋傳。今日羊眼人。賈山傳戴目而視。言遠望仰視也。

飲込。猶吞聲也。凡聲之吞轉。皆可曰飲。○賈捐之傳。飲込巷哭。師古曰。淚流被面。以入于口。故曰飲。此解迂甚。然則鼠思込血。甚言淚盡繼之以血。思之伏匿如鼠耳。豈真眼中流血邪。梁或

身體

浮山北載

通聲飲。正謂吞喉聲也。蔡邕飲章。則匿名章矣。

三律者。栗髮也。○荀子禮論不沐則濡櫛三律而止。注律理髮也。今秦俗以批髮為栗髮。當是瀝髮。楚辭晞髮。瀝之而晞也。

尸奪。卽尸厥也。橋引案。杭言矯摩也。○說苑扁鵲言太子尸厥。

耳中焦焦。用八成湯。砥取三陽五輸。子游矯摩。太子復生。韓詩

外傳作尸蹶。倉公傳言尸奪者形敝。又曰鏗石橋引。案。杭撰荒

爪幕。案。摩也。杭音玩。則陽篇言橋起。橋運。謂矯然而起也。管見

卽以橋然訓之。呂覽橋言無擇高。注橋。戾也。孟奇曰。杜蘭香別

傳。呼藥為消摩。消摩。按摩也。智按。今搜神記。作消魔。

小遺。小溲也。○漢書東方朔小遺殿上。南史謝幾卿小遺沾令

史謂小解也。倉公言大小溲。前後溲。溲溺也。左傳廷以夷射姑

旋焉。旋。溲也。莊子之偃。謂偃處便也。

小通。小使也。○韓詩外傳言男八歲而齠。十六而精化。小通。女

七歲而齠。十四而精化。小通。水經注曰。可以小使。皆言人道也。

賈誼五餌。言偶人無時。韓詩言不失時以偶。國語丹朱圻身以

儀之。儀卽偶也。夏小正言綏多士女。謂胖合也。

胎肩。歛肩。猶脇肩。索足。猶重足一迹也。○張衡應閒。干進苟容。

我不忍以歛肩。歛卽脇。吳王濞傳。脇肩索足。猶懼不見釋。注脇

與翕同。歛也。脇肩。諂笑。韻注云。鄭玄箋作胎肩。漢書汲黯傳。言

重足而大。謂股弁也。義縱石顯傳。重足一迹。皆索足之意。索卽

累。

介特。言單身也。○左个即左介。介猶閒也。因作界字。昭十四年。叔介特。注單身民也。一介行李。介麋俱與个同。此介之為介也。因作箇。按方言。絳挈儻介特也。物無耦曰特。獸無耦曰介。个音又轉為奇。古隻字。即奇字。詳見算數條。今閩中呼个如基字。可想古音。

曰宣曰磬折曰跗曰跌曰脊曰脣曰肉好曰衝牙曰渠脊之類。皆以身狀之。○考工半矩曰宣。注宣。人頭之長也。柯半曰磬折。謂人之腰也。豆足曰跗。碑承曰跌。瓦亦曰跌。劍夾曰脊。陶旒有脣。錢曰肉好。佩中衡者曰衝牙。其言面言目。言首言牙。言口言

齒。徂徂而是渠脊。玉面之追款也。典瑞璧羨以起度。駉圭璋璧琮琥璜之渠脊。疏璧琮以斂。注鄭司農云。駉外有捷盧也。駉讀為駉疾之駉。疏讀為沙。謂圭璋璧琮琥璜皆為開渠。為脊。沙除以斂尸。令汁得流去也。玄讀駉為組。渠脊。玉飾之溝。瑑也。疏曰六玉兩頭有孔為溝渠。兩畔稍高為脊。智按渠魁顛頤。古通。凡言渠魁者。猶頭目也。魁梧魁岸。狀其偉也。此謂玉之瑑款。如人之渠脊然。易之丘頤。亦謂渠頤也。笑曰軒渠。皆狀口腮也。又唐時謂人曰渠。今呼如其。或坑蛇反。如居亦音基。區亦通丘之類。以此益信古渠魁丘其顛。馘之為一聲。稱謂之始。人身之形。與天地間之形。皆相因呼之。溝渠背面。無不通合。如培塿陪

尾。猶人之背負微高也。溝洫志商顏山額也。陳遵傳井上曰脊。五行志旁著岸脇。尾閭如人之後穴。尾上有閭口也。閭之因呂。猶門之因肩。

短罷猶短痺也。○司樂注少師曰跛讀為短罷之罷。此言短痺也。痺轉為牌音。故罷轉為擺音。方言嫋嫋通語也。其時已有此音矣。古罷但音罷。借為疲。今讀罷為彼駕反。亦後來之轉也。方言委痿謂之隄企。又曰隄倚也。企與歧同。隄本音歧。而轉為隄。猶矮本从委。而今呼為藹也。隄有隄音。痺有擺音。故痿有矮音。後漢書童謡見一瘠人上天。注即矮人。足徵古齊微韻。而後轉皆來韻也。詳見諺原。

金口即噤口。○荀子金口蔽舌。金即噤。古噤唵吟。隨月。素問呿唵。閉口為唵。韓非子楊權篇。公子既眾。宗室憂唵。太玄唵首。皆與噤同。史晁錯傳。恐天下之士。噤口不敢復言。日者傳。悵然噤口不能言。亦作吟。說文口閉也。退之聯句直辭一以薦。巧舌千皆吟。梁冀傳口吟舌言。謂語訖也。亦噤意。墨子近臣則暗。遠臣則吟。即吟。呂覽審應篇。君呿而不吟。高注呿開唵閉。是唵訛。三盆手曰三淹。一作三掩。○祭義纁三盆手。注三盆手者。三淹也。九纁每淹大總而手振之。以出緒也。智按注疏淹一作掩。釋文去聲。若以今呼當菴鑑反。

苛癢。一作苛癢痾痒。○內則疾痛苛癢。古本與陸本皆苛癢。一

作痾痒。荷與苛通。故借。

扼腕。一作搯腕。扼。拏。扼。拏。搯。腕。搯。腕。搯。腕。○說文。拏。从手。取聲。楊雄曰。拏。握也。易。貫切。敬甫。但作取。今作腕。腕。左傳。拔衛侯之子及扼士喪禮。設沒麗于拏。自飯持之。設握乃連拏。鄭注。拏。掌後節中也。飯。大擘指本也。沒。以韋為之。設握。綦繫連結之。古文麗為連。拏。作腕。六書故引。設握乃連拏。以拏為古閑切也。智按。此切乃孫陸等所附。不足據也。古文奇字曰。拏。大篆。拏。拏。古文。按从手。又。从手。複矣。智因大篆从月。知為死訛。據儀禮左傳。當以拏為正。集韻亦作拏。得。但無卓識。定其原流耳。漢書作臣者。亦象扼形。非从臣也。明有古文拏。何故不从。史記封禪書。莫不搯腕。

自言有禁方。張儀傳作搯腕。亦書作拏。漢書扼。專游。談。郊祀志。四方。瞋目扼拏。國策。偏袒扼腕。隗囂傳。王遵與牛。卽書。吟嘯扼腕。搯。又作搯。乙革切。圈握也。喪服傳曰。苴經大搯。康成曰。搯。扼也。中人之扼。圍九寸。

夾脊曰肫。凡肉肥。臍處曰臍。小腹邊肉曰臛。郗崱曰。臛。骸骨曰。肫。腓。腸曰躄。水。臛曰。臛。踵根曰跟。○急就曰。肫。臍。胸。脇。喉。咽。臛。股。腳。膝。臛。脛。為。柱。躄。蹠。跟。踵。相近。聚。注。肫。音。身。非也。肫。卽。寅。為。寅。卯。加。作。寅。詳。見。疑。始。臍。指。腰。腹。臍。肉。處。如。腰。俞。亦。腰。臍。未。可。拘。腹。下。肥。之。訓。也。直。翁。引。說。文。臛。肩。前。也。徐。引。詩。傳。上。殺。中。臛。今。說。文。本。無。此。語。必。錯。本。也。集。韻。作。臛。皆。音。偶。非。是。按。注。疏。大。

庖不盈毛。傳自左。膘而射之。達于右。膈為上殺。射右脾。達于右。鬪為下殺。膘頰小反。王蒼曰。小腹兩邊肉也。脾蒲禮反。鬪一本作髑。于小反。水臙也。髑音愚。智考亦入東韻。急就叶柱聚。正愚音轉。仄也。水臙即腓。開顏曰踣。一作踣。俱時充反。踝戶把反。跟音根。臙一作髑。音牝。說文髑耑也。去聲。黃氏曰。膝蓋骨為柱者。髑髑之下。如屋有柱也。爾雅曰。髑瘍為微。甯戚至髑是已。脛骨也。脛去聲。靈樞經下至髑。髑長九寸。音曷。于與髑混。凡夫曰髑。訓混髑。髑丘媿切。髑脛間骨也。

兩膊開曰脾。肩甲即肩胛。○說文髑。肩甲也。音各切。按肩甲即肩胛。劉平水曰。背胛與胸脇相會處。後漢張宗壽中。予貢胛注。

背上兩膊開。膊即髑。戴仲若以五官像面瘦。乃。大令桓江州帖。胛痛不可堪。而比作書。則是臂膊明矣。

夜耳。言耳垂如掖也。猶之耳。食耳。剽植耳之字法也。○轉注略夜音惕。列子師曠方夜耳。俛首而聽之。愚謂夜當音掖。方與俛首相洽。漢志東海夜縣。今作掖。禮樂志俠嘉夜。蒞蘭芳注。夜如液。此但證夜有掖音。而嘉夜之意。正不必解也。植耳見淮南。耳食耳。剽見史記。

頡頏當是頡頏。○呂覽明理篇引子華曰。亂世之民。長短頡頏。百疾高誘注曰。疾病也。長短者。無節度也。頡頏猶大猗選也。百疾變詐也。智按說文。頡逆也。音忤。字考曰。戾也。郭璞曰。觸選音。

晤。又音盟。莊子作選。孫恂遂收顛字。以義推之。當是頡晤。言莫

莫結音愕逆之狀也。呂覽傳抄筆訛。如顛涿乃督字之類。

一瞬即一瞬。○呂覽安死篇。夫死其死。視萬世猶一瞬也。注頽

川人謂相視曰瞬。一曰瞬者。謂人臥死覺也。智按瞬瞬瞬瞬瞬

一字。莊子曰。豚子食于死母。少焉瞬若。棄之而走。崔氏曰。目動

也。一本作瞬。遠遊篇胸。注即瞬。項羽紀項梁瞬藉。又作旬。傷寒

有瞬症。孫恂真韻載瞬瞬為一。而去聲載瞬瞬瞬瞬為一。公竿

傳文七季。朕晉大夫。使與公盟。注以目通指曰朕。音舜。一作朕。

訛作朕耳。

奄殢。握遞病狀也。○瓊敷言半臥半起為奄。於語音智按此

景純解方言也。凡病而不甚曰奄殢。今讀奄帖入國篇

注疾者兩手相拱著而不伸曰括遞。道昭作紫。行燥燥病

也。

月容。姪變也。○說文曰。漢律見姪變。不得侍祠。故以丹的注面。

謂月事也。神仙服食經曰。仙藥有陽丹陰丹。陰丹。婦人乳汁也。

婦人十五已上。下為月容。有事月容絕。上為乳汁。熨曰家山道

地。以留情嶺名。雙乳靈源。左乳下蘆花為右乳下。結藥在乳

尸解。猶言蟬蛻也。○問奇集尸解。音假。方穀城宗之。智按蓋因

後漢注尸解者。言登仙假託為尸。以解化也。此以假解之。豈音

假乎。又前書蔡人為方僊道。形解銷化。服虔曰尸解也。張晏曰

如山中龍解骨。則以刀解注形解甚明。又按唐張果卒。好異者。奏以為刀解。胡三省注曰解。佳買反。仙家所謂刀解。譬猶蟬蛇。蟬飛而蛇在也。此說此音最是。故特表之。漢讀時有方言。陸德明一切取之。而又誤取誤音。學者不攷其原。而反執異音相駁。邪。虛舟子曰。蛇形見氣。蛇氣知神。蛇神歸空。蛇空明理。蛇理還物。則踐形者神也。談引道家曰。形神離則死。而老曰。死而不亡者壽。大乘訶鬼窟神我。正須窮盡此心。乃能不惑。

步引道引也。○漢志有黃帝雜子步引十二卷。梁肅有導引圖。序曰。朱少陽得其術于黃帝外術。又加以元氣之說。乃演而圖之。隋志有引氣道引圖。唐六典有按摩博士。華陀六

禽之戲。此步引之一端也。抱朴子曰。黃帝論導引。立素二女。若體診。則受雷岐。真西山曰。養生記。出。子。神章。莊子曰。伏戲得之。以襲氣母。黃帝得之。以登雲天。列子天瑞篇引黃帝書曰。谷神不死。是謂玄牝。則此語有由來。而老子引之耳。智按神仙方伎也。莊子提養生之主明矣。

祝福。因為祝由。祝尤。咒尤。○說文。福。祝福也。即祝由。內經有祝由。徐文長引物原曰。禁咒各越方。漢或信南越。而禁咒方始。智按後漢傳趙炳善越方。漢書有禁方。古有祝科。至漢通外國。而更奇。如西域幻人之類。南史薛伯宗徙癰柳樹上。洪邁夷堅志。漂陽巫犁竈灰而骨鯁愈。亦其類也。今太醫院第十三科為祝

九。又曰咒九。為咒而愈病。如周禮之祝也。

厭代。猶厭世也。○王皞太宗厭代之夕。事出曖昧。史照以厭為厭魅。胡三省曰。謂升遐也。并觀瑣言曰。厭世字。出莊子。千歲厭世。去而上僊。唐諱世為代。猶言卽世棄世捐館之詞。三省未引及此。或曰順世卽厭世之稱。

奶肉烟上之俗。猶捐毒之茶毗也。○異聞錄引列子曰。楚南有炎人國。親戚死。奶其肉棄之。秦西有儀渠。親戚死焚之。燻則烟上。謂之登遐。然後為孝。奶音寡。博物志亦引此言事。見墨子。周日用曰佛國之法。可知是上古外國之俗也。列子作奶。依小篆作奶。訛為奶。卽朽字。山海經有奶塗之。

其臭朽陸作朽可證。商氏書音寡誤矣。或讀與朽相通如剗之音枯。猶枯與朽相因。鬼與朽與朽相之廝。卽朽字。孫恂作朽。

通雅卷之十八終

通雅

卷之十八

五

浮山止齋



